

摘藻堂四庫全書薈要

集部

欽定四庫全書薈要

集部

柳河東集卷四十二

臣
王杰詳校
詳校官助教臣常循



欽定四庫全書薈要卷一萬三千七百七十七

集部

柳河東集卷四十二

唐 柳宗元 撰

今詩七十六首

同劉二十八院長述舊言懷感時書事奉寄澧州
張員外使君五十二韻之作因其韻增至八十通
贈二君子

劉二十八禹錫也初與公同為監察御史故曰
院長張員外署也貞元十九年與韓吏部李方

叔三人為幸臣所讒俱為縣令南方韓集中有
與張貶謫時道途唱和詩十三章張後為澧州
刺史韓誌其墓公此詩蓋貞元

二十一年貶永州司馬後作

弱歲遊玄圃先容幸弃瑕

東方朔十洲記崑崙山有三
角一角正西北名玄圃臺西

漢鄒陽傳以左右先為
之容也禮記瑜不掩瑕

名勞長者記文許後生誇

陳平
門多

長者車語云
後生可畏

鸚翼嘗披隼蓬心賴倚麻

傳云鸚披隼翼
荀子蓬生麻中

不扶自直莊子夫子猶有蓬之心也夫謂
不直也鸚音晏莊子斥鸚小鳥也隼音笋

繼酬天祿署

俱尉旬侯家

漢揚雄校讐天祿閣旬侯書旬服侯服是
也上四聯蓋謂與張同以進士舉博學宏

詞交遊相依張為校書郎武功尉
公為集賢殿正字藍田尉之意

憲府初收跡丹墀共

拜嘉

謝靈運晉書漢官尚書為中臺御史為憲臺謁者為外臺是為三臺又御史所居之署漢謂之御史

府張衡西京賦青瑣丹墀注云丹墀堦也以丹塗之公貞元十九年與張同為監察御史故此對已下皆言其御史時相從分行參瑞獸傳點亂宮鵠執簡寧循枉持于朝之意

書每去邪

沈約為御史中丞彈奏王源文云源官品應黃紙臣輒奉白簡以聞任昉為中丞彈曹景

宗亦云謹奉白簡又崔篆御史箴曰簡上霜凝筆端風起蓋御史劾奏以簡也後漢蔡邕舉高第補侍御史又轉持書御史遷尚書

鸞凰標魏闕熊虎負崇牙

周禮乃縣治象

持書亦御史銜也

之法於象魏鄭司農云象魏闕也莊子身在江湖之上心游魏闕之下周官熊虎為旗熊武即熊虎也牙謂牙

旗也宋鄭鮮祭牙文

辨色宜相顧傾心自不譁金爐仄

崇牙既建義鋒增厲

流月紫殿啟晨赧

赧音遐赤色也謂曉起日光射殿宇也漢紀云神光降集紫殿

未竟

遷喬樂俄成失路嗟

此以下言張與韓李皆謫為縣令南方之意遷喬字見孟子

還

如渡遼水更似謫長沙

李白詩屈平顛顛滯江潭亭伯流離放遼海賈誼事漢文帝為

絳灌馮敬之屬妬害之謫為長沙王太傅

別怨秦城暮途窮越嶺斜訟庭閑

枳棘候吏逐麋麕

麕音眉麕音加牝鹿也

三載皇恩暢千年聖歷

遐

張自貞元十九年癸未至元和元年乙酉憲宗即位為三年矣故云三載

朝宗延架海師

役罷梁涯

涯音嗟水名梁涯作橋於涯水上也朝宗字見禹貢

京邑搜貞幹

謂張憲宗

立拜京兆府司錄也

南宮步渥洼

張繼為禮刑二部員外郎也注音蛙渥洼水名武帝紀馬生渥

注水 世推材是梓一作人仰驥中驂歛刺苗人地仍踰

贛石崖

謂張出為虔州刺史也虔屬江南道三苗之國在焉故曰苗人地贛音紺虔州縣名又音貢水

名出禮容垂琕琕琕戎備響鈹鍛

琕音必一作琕補鼎切玉也琕邊孔切佩刀下

飾詩鞞琕容刀鈹音鴉鈹音霞說文鈹鍛頸鎰也

寵即郎官舊威從太守加

張

以刑曹刺

建旗翻鷺鳥負弩繞文蛇

周官鳥隼為旗龜蛇為旐又云州里

建旗旗音余剥鳥皮毛置之竿頭為之隼鷺鳥也故云翻鷺鳥繞文蛇謂旐也司馬相如傳縣令負弩矢先驅

冊府榮八命

周禮宗伯以九儀正邦國八命作牧注謂侯伯有功者加命得專征伐於諸侯鄭司

農云一州之牧王之三公亦八命

中闡盛六珈

闡一作闡詩君子偕老副笄六珈音加婦人

首飾之盛者韓吏部作張公墓誌云公娶河東柳氏子則公與張為親故言及中閨也肯隨胡質

矯胡質仕魏太祖時性沉實內察不以節檢物所方惡在見思既卒詔書褒述質清行賜其家錢穀

馬融奢後漢馬融為南郡太守居宇器服多存褒德符侈飾常坐高堂前授生徒後列女樂

新換漢文帝紀初與郡守為銅虎符竹使符張晏曰符以代古之珪璋從簡易也師古曰與郡守為符者

謂各分其半右留京師左以與之今郡守多用分符合符事謂此也張自虔州改澧州故曰符新換懷仁

道併遮寇恂嘗為潁川太守後從車駕擊隗囂至潁川百姓遮道曰願從陛下復借寇君一年乃留寇

俗嫌龍節晚周禮掌節凡邦國之使節山國用虎節土國用人節澤國用龍節注云使節使卿大

夫聘於天子諸侯朝訝介圭賒詩錫爾介圭以作爾珪行道所執之信也朝訝介圭賒箋云圭長尺二寸謂之

介非諸侯之圭故

以為珣賒音奢

禹貢輸苞匭也匭匣也荊州所貢澧

屬山南道即古

周官賦秉秬

客之牢禮餼獻飲食之等

數與其政治凡諸侯之禮上公車米眠生牢牢十車車

斗曰斛十六斗曰簋十簋曰秉秉有五簋則二十四斛

也四秉曰筥十筥曰稷十稷曰秬每車秬則三十稷稷

猶束也秬文加

雄風吞七澤司馬相如子虛賦楚有七

反稷一作總

臣所見者

異產控三巴華陽國志曰武王克商封其子

日雲夢以墊江以上為巴郡江州至臨江為永寧郡朐忍至魚

腹為固陵郡已遂分矣璋復改永寧為巴郡以固陵為

已東徙龐義為巴西太守是為三巴又樂史寰宇記於

渝州記云閬自二水東西流三曲如巴字是謂三巴其

欽定四庫全書

柳河東集

四

說又不同然公詩意謂張所治澧州屬山南東道而劉璋所分三巴之地屬山南西道及劍南道山南二道相接故曰控三巴也即事觀農稼因時展物華秋原被蘭葉春渚

漲桃花令肅軍無擾程懸市禁貫

貫音奢貫買也

不應虞竭澤

寧復歎棲苴

今為藎字苴鋤加切水中浮草也

踪躩駟先駕

踪音牒躩音燮踪躩

行貌駟音鄒廐御也

籠銅鼓報衙染毫東國素

韋誕非紈素不韋誕非紈素不

濡

印錦溪砂

砂丹砂也多出蠻洞錦州界

貨積舟難泊人歸山倍

畬

音奢火種田也

吳飲工折柳

梁元帝纂要曰齊歌曰謳吳歌曰飲宋玉招魂云吳飲蔡謳秦

大呂古樂府有折楊柳曲桓伊善笛撰折楊柳尤為奇妙後人不能盡其指訣也飲音俞

楚舞舊傳

芭

文選越艷楚舞後漢傳毅舞賦云宋玉曰臣聞激楚結風陽阿之舞材人之窮觀天下之至藝晉禮樂志

巴郡善歌舞高祖愛其舞詔樂府習之今已渝舞是也巴舞疑是此而諸本作芭未詳

隱几松為

曲傾樽石作汙

今為窰字音哇汙樽字見禮記隱几而卧見孟子

寒初榮橘柚

夏首薦枇杷祀變荆巫禱風移魯婦髻

史記封禪書荆巫祠堂下巫先

司命施縻之屬蓋荆楚之俗好巫故曰荆巫檀弓魯婦人之髻而弔也自敗於臺鮎始也蓋魯襄公四年臧文

仲與邾戰于臺鮎魯人迎已聞施愷悌還覩正奇衰音衰喪者髻髻測爪反喪髻也

斜周禮比長各掌其比之治親慕友慚連壁晉潘岳夏有罪奇衰則相及注衰猶惡也

安容每行止同輿接言姻喜附葭漢書中山靖王傳今羣臣非有葭莩之親顏師

古曰葭蘆也葦者其筍中白皮至薄者也前言中閨盛
六如此又云附葭蓋張壻於柳氏則與公為親矣此以
下皆自叙其
貶黜之意
沉埋全死地流落半生涯入郡腰常折陶潛

曰吾不能為五斗米折
腰拳拳事鄉里小人耶
逢人手盡義馬援傳豈有知其無成而但萎膝咋

舌義手
從族乎
敢辭親恥汙唯恐長疵瑕善幻迷水火列子窮數達變

因形移易者謂之化
謂之幻音胡辨切
齊諧笑柏塗莊子齊諧者志怪者也東方朔傳時有幸

倡郭舍人滑稽不窮因曰臣願復問朔隱語不知亦當
榜即妄為諧語曰令壺齟老柏塗伊優啞狝呌牙何謂

也朔曰令者命也壺者所以盛也齟者齒不正也老者
人所敬也柏者鬼之庭也塗漸沮徑也伊優啞者辭未

定也狝牛牙者兩犬爭也舍人所問朔應聲對無能窮
者師古曰柏者言鬼神尚幽暗故以松柏之樹為庭府

漸如浸濕也
塗文加切

東門牛屢飯

淮南子曰甯戚欲干齊桓公窮困無以自達於是為商旅

將車以適於齊暮宿於郭門飯牛車下望見桓公乃中
擊牛角而商歌桓公聞之曰異哉歌者命後車載之

散蟲空爬

晉稽康為中散大夫山濤為吏部郎舉康自代康為濤絕交書有云危坐一時痺不能搖

性復好蟲爬搔無已

逸戲看猴鬪殊音辯馬槌

槌張瓜切箠也

渚行狐作

夔林宿鳥為嗟

夔魚列切與夔同說文魚獸蟲蝗之怪謂之夔嗟音嗟病也

同病憂

能老新聲麗似姱豈知千仞墜祇為一毫差守道甘長

絕明心欲自到

到音鴉題也

貯愁聽夜雨隔淚數殘葩集族

音長聒豺羣啄競呀

聒堅堯切不孝鳥也呀虛牙切張口貌啄一作啄

岸蘆翻

毒蜃礪竹鬪狂庠

礪音溪庠音麻牛名

野鷺行看弋江魚或共投

瘴氛恒積潤訛火亟生煨

訛火野火也煨虛加切火氣也

耳靜煩喧蟻

晉殷仲堪傳父師皆患耳

聰聞床下蟻動謂之牛鬪

魂驚怯怒蛙韓非子越王伐吳欲人之輕死

也出見怒蛙乃為之式從者曰

風枝散陳葉霜蔓緹寒

瓜

緹一作緹

霧密前山桂水枯曲沼遛

遛音遛爾雅笑葉其葉遛

思鄉比

莊舄

史記越人莊舄仕楚執珪有頃而病楚王曰舄越之細鄙人也今仕楚執珪貴富矣亦思越不中謝

對曰凡人之思故在其病也彼思越

遯世慕睦夸

慕一作遇

後魏睦夸高尚不仕寄情丘壑崔浩奏徵為中郎

將辭疾不赴州郡逼遣不得已既入京郡遂遯去

漁舍

茨荒草村橋卧古槎御寒衾用麝

麝音計織毛也

挹水酌仍椰

椰音耶木名樹如椶櫚子殼可以為器交州記椰子中

有漿飲之得醉故後人取其殼為酒器如酒中有毒則

酒沸起但今皆漆其裏

則全失用椰子之意矣 窻蠹惟潛蝎薨涎競綴蝎引泉

開故竇護藥插新筓

筓音巴竹之有刺者

樹怪花因榦

榦胡谷切花中有木

榦花多生於

蟲憐目待蝦

蝦嶺表錄異海鏡蟹為腹水母蝦為目水母者閩人謂之蛇

古樹朽壤中

渾然凝潔大如覆帽腹如懸絮有口而無目常有蝦隨

之食其涎浮涎水上人或取之則歛然而沒乃蝦有所

見驟歌喉易嘖

嘖於邁所嫁二切聲敗也老子曰號而易嘖

饒醉鼻成齖

齖音齖

查鼻上

曳捶牽羸馬垂蓑牧艾猥

猥音加壯承也

已看能類鼈

能囊來切爾雅鼈三足能

猶訝雉為鷄

鷄音華山雉名也

誰采中原菽

詩中原有

菽庶民

徒巾下澤車

馬援曰吾從弟少游常哀吾多大志曰士生一世但取衣食裁足乘

采之

下澤車馭款段馬鄉里稱善人斯可矣注云車人為車行澤者欲短轂短轂則利也

俚兒供苦筍

傖父饋酸楂

傖士衡切吳人謂楚人為傖楂音查果也

勸策扶危杖邀持當

酒茶道流徵短褐禪客會袈裟香飯春菰米

菰音孤草名廣雅蔣

菰其米謂之凋胡可炊以為飯

珍蔬折五茄

茄音加本草五茄葉可作蔬菜食

方期飲

甘露

宋錄曰新安王子鸞豫章王子尚諸曇濟道人於八公山濟設茶茗尚味之曰此甘露也何言茶茗

更欲吸流霞

抱朴子項曼都修道山中忽遊紫府飲流霞一盃酒忽思家為上帝所斥河東呼為

斥仙屋鼠從穿穴林狙任攫拏春衫裁白紵朝帽挂烏

紗屢歎恢恢網

老子天網恢恢

頻搖肅肅宜

詩肅肅兔宜

哀榮困莫

英

帝王代紀堯時有草夾堦而生每月朔日生一莢至望則日落一莢月小則餘一莢王者以是占歷名曰

莫盈缺幾蝦蟇路識溝邊柳城聞隴上笳共思捐珮處

千騎擁青綯

楚詞捐余珮兮江中遺余珮兮澧浦王逸云屈原既放逐常思念君設欲遠去猶捐

玦珮置於水涯冀君求已示有還意東郭先生拜二千石佩青綯出宮門行謝主人綯古華切綬也

宏農公以碩德偉材屈於誣枉左官三歲復為大

僚天監昭明人心感悅宗元竄伏湘浦拜賀末由

獻詩五十韻以畢微志

宏農公楊憑也憑本傳御史中丞李夷簡與憑有隙劾奏憑不法由京兆尹貶臨賀尉俄徙為杭州長史以太子詹事卒據憑貶在元和四年而詩序云三歲復為大僚蓋自元和四年己丑至七年壬辰為三歲矣是歲立遂王宥為皇太子肆赦故詩有重明照萬方之語詩蓋是時作也但詩又云高居遷鼎邑遙傳好書王此公集參憑文中所謂入傳王國嘉聲聿興者也當是憑自杭州後遷諸王傳分司東都在未為詹事時而史不載是事耳此詩之獻豈憑在東都時耶

知命儒為貴時中聖所臧處心齊寵辱遇物任行藏關

識新安地

新安縣名隸河南府

封傳臨晉鄉

臨晉縣屬河中府

挺生推豹

蔚

易君子豹變其文蔚也

高步仰龍驤

魏書陳琳曰今將軍龍驤虎步高下在心

幹有

千尋竦精聞百鍊剛茂功期舜禹高韻狀羲黃

狀一作上又作

扶足逸詩書圓鋒搖翰墨場雅歌張仲德

詩小雅侯誰在矣張仲孝

友注張仲賢臣頌祝魯侯昌

魯頌四篇皆頌僖公也其閔宮篇云俾爾熾而昌俾爾昌而熾俾爾

昌而

憲府初騰價

憑嘗為監察御史故云憲府

神州轉耀鉞

音芒

右言

盈簡策

謂憑嘗為起居舍人也起居舍人一日右史即古所謂言則右史書之者也唐制起居郎掌錄

天子起居法度天子御正殿則郎居左舍人居右有命俯陞以聽退而書之季終以授史官

左轄備

條網

謂憑嘗為左司負外郎也唐左丞掌管轄諸司糾正省內通判都省事左司負外掌副左丞所管諸

司事者也故

響切晨趨珮烟濃近侍香司儀六禮洽論

將七兵揚

謂憑嘗為禮部兵部二郎中也周禮司徒修六禮以節民性謂冠一昏二喪三祭四鄉五

相見六也七兵本始於周禮司徒掌五兵者也至魏置五兵尚書謂中兵外兵騎兵別兵都兵為五晉太康中乃分中兵外兵各為左右與舊五兵為七曹後魏遂為七兵尚書而七兵之名自此立矣

合樂來儀

鳳尊祠重餼羊

謂憑嘗為太常少卿也書簫韶九成鳳凰來儀論語子貢欲去告朔之餼羊

卿材優柱石公器擅巖廊峻節臨衡嶠和風滿豫章

謂憑

嘗為湖南江西觀察使也江西道理洪州即豫章郡也衡山南岳也在衡州屬湖南道云人歸父母

育郡得股肱良細故誰留念煩言肯過防壁非真盜客

張儀游說諸國嘗從楚相飲已而楚相亡壁門下意張

儀曰儀貧無行必此盜相君之壁共執張儀掠笞數百

不服金有誤侍郎直不疑為郎事文帝其同舍有告歸

釋之金有誤侍郎誤持其同舍郎金去已而同舍郎覺

亡意不疑不疑謝有之買金償後龜虎休前寄貂蟬冠

告歸者至而歸金亡金郎大慙

舊行

謂憑自江西觀察使入為左散騎常侍也龜印也

千石亦銀印龜鈕虎符也漢文帝初與郡守為銅虎符

貂蟬冠也晉太始中通直散騎常侍亦武冠右貂金蟬

貂丁訓刑方命呂謂憑自散騎為刑部侍郎也周書呂

聊切訓刑方命呂命穆王訓夏贖刑作呂刑孔穎達曰

呂侯見命為天子司寇以穆王命作書理劇復推張

訓暢夏命贖刑之法以訓告天下也

自刑部為京兆尹也漢書張敞拜膠東相自請治劇郡
非賞罰無以勸善懲惡後守京兆尹京兆典京師長安
中浩穰於三輔尤為劇入守者輒
以罪過罷唯趙廣漢及敞為久任直用明銷惡還將道

勝剛敬逾齊國社

漢石慶為齊相齊國慕其
家行大治為立石相祠

恩比召南

棠

詩甘棠美召伯也詩云蔽芾甘棠勿剪勿
伐召伯所茇蓋國人被其德故敬其樹也

希怨猶逢

怒

不念舊惡怨是
用希見論語

多容競忤强火炎侵琬琰鷹擊鵩驚

凰刻木終難對

路溫舒傳刻木為吏期不對顏師古曰
畫獄木吏尚不入對况真實乎司馬遷

報任少卿書曰士有畫地為牢執不
入削木為吏議不對定計於鮮也

焚芝未改芳

抱朴子曰

慮至山之失火
恐芝艾之并焚

遠遷逾桂嶺

謂憑自京兆貶臨賀尉也
臨賀屬賀州隸廣南道桂

嶺賀州山名

中徙滯餘杭

謂憑繼徙杭州長史也杭州餘杭郡

顧土雖懷趙知

天詎畏匡

子畏於匡曰天之未喪斯文也匡人其如予何

論嫌齊物誕

莊子有齊物篇

騷愛遠遊傷

離騷有遠遊章

麗澤周羣品重明照萬方斗間收

紫氣

晉書斗牛之間有紫氣雷煥曰寶劍之精上徹於天在豫章鄆城令掘獄果得雙劍

臺上挂

清光

元和七年立皇太子肆赦也

福為深仁集妖從盛德穰秦民啼

畎畝周士舞康莊

爾雅四達謂之衢五達謂之康六達謂之莊

采綬還垂艾

焦貢易林曰二千石官白艾綬也

華簪更截肪

魏文帝與鍾繇書曰竊見玉書稱玉白如截肪

肪音方

高居遷鼎邑遙傳好書王

當是憑自杭州召回遷諸王傳分司東都也周

成王時遷九鼎於洛邑洛邑即唐東都史記賈誼為梁懷王太傅梁懷王文帝之少子愛而好書故令賈生傳之又淮南王安碧樹環金谷丹霞映上陽留歡唱容與為人好書鼓琴

要醉對清涼故友仍同里常僚每合堂淵龍過許邵永

鯉弔王祥

自注云許侍郎尹河南許司業分司東都王舍人居憂在洛皆宏農公平生親友許侍郎

孟容也三舍人仲舒也東漢許劭汝南平輿人兄虔亦知名汝南人稱平輿淵有二龍焉晉王祥性至孝母嘗

欲生魚時天寒冰凍祥解衣將剖冰求之冰忽自解雙鯉躍出持之而歸玉漏天門靜
張衡

轉渾天儀制曰以銅為器再疊差置實以清水下各開孔以玉虬吐漏水入兩壺左為晝右為夜
銅駝

御路荒

華延雋洛陽記曰兩銅駝在宮之南街東西相向高九尺洛陽謂之銅駝陌

澗瀍秋

漱澀

書曰我乃卜澗水東灋水西惟洛食澀力驗切澀音艷水動貌也

高少步微茫

戴

之西京記嵩山其東謂太室西謂少室嵩其摠名即中岳也在洛中

導渚徒云樂

詩九

周公也周大夫刺朝廷之不知也詩云鴻飛遵渚公歸無所言鴻大鳥也不宜同鳬鷺之屬循渚也

冲天

自不遑

淳于髡說齊威王曰國中有大鳥三年不蜚又不鳴王知此鳥何也王曰此鳥不飛則已一飛

冲降神終入輔

維嶽降神生甫及種德會明啟

皋陶邁

書獨弃儉人國

儉音士衡切注見前詩矣

難窺夫子墻

夫子之墻數

通家殊孔李

後漢孔融孔子二十世孫也時河南尹李膺以簡重自居非當時名人及與通家者

皆不得見融欲觀其人語門者曰我是李君通家子弟膺請融曰高明祖父嘗與僕有舊恩乎融曰然先君孔

欽定四庫全書

柳河東集

十三

子與君先人李老君同德比義而相師
友則融與君累世通家衆坐莫不歎息
舊好即潘楊

世為婚姻潘岳作楊仲武誄曰潘楊之
睦有自來者公為楊憑之壻故及之
世議排張摯

史記

張釋之子曰張摯字長公官至大夫

時情弃仲翔

吳志虞翻

免以不能取容當世故終身不仕

字仲翔孫權以為都騎尉翻數犯顏諫爭權
不悅又性不協俗多見謗毀坐徙丹陽尉

不言縲紲

枉徒恨墨黥長

微一作牽

賈賦愁單閼

賈誼貶長沙有鵬入其舍乃作賦云單閼

之歲鵬集余舍閼烏葛切單閼太歲在卯也

鄒書怯大梁

鄒陽上書梁孝王王怒欲殺之陽乃

在獄中上書烟心那自是昭世嬾佯狂

世一作代箕子懼紂佯狂為奴

梁王立出之

鳴玉機全息懷沙事不忘

屈原既放逐作懷沙戀恩何之賦自投汨羅而死

敢死垂淚對清湘

酬韶州裴曹長使君寄道州呂八大使因以見示

二十韻一首

并序

呂道州溫也刺道州當元和四五年間裴韶州
名字未詳題云曹長必嘗與公同在禮部者詩

在永

州作

韶州幸以詩見及往復奇麗邈不可慕用韻尤為高絕
余因拾其餘韻酬焉凡為韶州所用者置不取其聲律
言數如之

金馬嘗齊入

公孫弘傳待詔金馬門

銅魚或共頒

隋制京官五品以上佩銅魚符

唐武德改太守為刺史號為使持節諸軍事而實無節但頒銅魚符而已

疑山看積翠

九疑山在

零澧水想澄灣

澧水名

標榜同驚俗清明兩照姦乘輶

參孔僅

自注云韶州嘗隨潘戶部出征賦潘戶部孟陽也傳亦不載韶州名字孔僅漢武帝時為大農

丞舉行天下鹽鐵見貨殖傳

按節服侯柵

自注云道州昔使絕域遂無滑夏之虞侯柵匈奴名

見漢匈奴傳

賈傳辭寧切

賈誼諫為長沙王太傳過湘水作文以弔屈原

虞童髮未

鬢

指虞翻也虞翻年十二客有侯其兄不過翻翻追與之書客奇之鬢音班

秉心方的騰

口任嘖嘖

嘖音顏爭貌韓子云其闔嘖嘖

聖理高懸象爰書降罰鍰德

風流海州和氣滿人寰御魅恩猶貸

左氏投之四
裔以禦魑魅

思賢

淚自潛

潛所班切
出涕貌

存亡均寂寞寥落間惇鰥夙志隨憂

盡殘肌觸瘡癩

五還切
痺也

月光搖淺瀨風韻碎枯管海俗

衣猶卉

書島夷卉服注南海島夷草服
葛越卉草也葛越南方布名

山夷髻不髻鬟泥

沙潛虺蜮

蜮射工蟲也見
下嶺南江行注

榛莽闢豺獍

音蠻豺
類也

循省誠

知懼安排祗自憫

音閑說
文愉也

食貧甘莽鹵被葛謝瀾編

音瀾

瀾編音適閑切
編色不純也

遠物裁青麕

音計織
毛也

時珍饌白鵠長捐

楚客珮

注見前
詩矣

未賜大夫環

荀子召人以瑗絕人以玦
反絕以環注云古者臣有

罪待放於境三年不敢去
與之環則還與之缺則絕
異政徒云仰高蹤不可攀空

勞尉樵悴妍唱劇妖嬾

音閑說文雅也

酬婁秀才將之淮南見贈之作

婁秀才圖南也集有送之淮南序在元和五六年間二詩皆當同是時作

遠弃甘幽獨誰言值故人
好音憐鍛羽

詩載好其音鍛所介山屢二切

選鍛翻由時至鍛殘也

濡沫慰窮鱗

莊子泉涸魚相與處於陸相煦以濕相濡以沫

困志

情惟舊

困一作同

相知樂更新浪遊輕費日
醉舞詎傷春風

月歡寧間星霜分益親
已將名是患還用道為隣機事

齊飄瓦

莊子雖有忮心者不怨飄瓦

嫌猜比拾塵

孔子窮於陳蔡之間七日不嘗粒食

顏回得米而爨之孔子望見回攬其甑中飯而食之飯

熟及進於孔子孔子曰今夢見先君食潔欲饋回曰不

可向者矣煤入甑中弃食不祥回因攬而食之孔子歎

曰所信者目所恃者心今心目不足信而恃矣弟子識

之矣煤烟塵因拾烟

高冠余肯賦長鉞子忘貧

史記馮譙聞孟

嘗君好士躡屨而見之孟嘗君置傳舍十日問傳舍長

曰客何為者曰馮先生甚貧猶有一劍耳又蒯緱彈其

劍而歌曰長鉞歸來晚晚驚移律睽携忽此辰開顏時

今食無魚鉞吉協切

不再絆足去何因海上銷魂別天邊吊影身祇應西澗

水寂寞但垂綸

酬婁秀才寓居開元寺早秋夜月病中見寄

客有故園思瀟湘生夜愁病依居士室

維摩居士文室也

夢繞

羽人丘

楚詞仍羽人於丹丘注云山海經曰有羽人之國不死之民或曰人得道身生羽毛也丹丘晝

夜常明也味道憐知止遺名得自求壁空殘月曙門掩候蟲

秋謬委雙金重

選佳人遺我綠綺琴何以贈人雙南金

難徵雜珮酬

詩知子之

好之雜珮以報之注雜珮者珩璜琬瑤衝牙之屬

碧霄無枉路徒此助離憂

初秋夜坐贈吳武陵

吳武陵永州流人也來永州在元和三年公下有簡武陵詩當四年秋此詩亦同時作

稍稍雨侵竹翻翻鵲驚叢美人隔湘浦一夕生秋風積
霧杳難極滄波浩無窮相思豈云遠即席莫與同若人
抱奇音朱絃絢枯桐絢古鄧切急張也清商激西顥泛灑凌長
空自得本無作天成諒非功希聲闕大樸聾俗何由聰

晨詣超師院讀蓮經

亦在永
州也

汲井漱寒齒清心拂塵服間持貝葉書

西域經多以
貝多葉書之

步

出東齋讀真源了無取妄跡世所逐遺言冀可冥

遺一作遣

繕性何由熟道人庭宇靜苔色連深竹日出霧露餘青
松如膏沐澹然離言說悟悅心自足

贈江華長老

江華道州縣名也道州即古之舂陵自道泚流
亦可至永故詩謂去歲別舂陵泚流此投跡也

老僧道機熟默語心皆寂去歲別舂陵泚流此投跡室

空無侍者巾屨唯挂壁一飯不願餘跣趺便終夕

跣音加屈

足也趺音膚足也

風窓疎竹響露井寒松滴偶地即安居滿庭

芳草積

巽上人以竹間自採新茶見贈酬之以詩

巽上人重巽也巽時居永州龍興寺此在永州作也

芳叢翳湘竹零落凝清華復此雪山客晨朝掇靈芽都

活切拾取也

蒸烟俯石瀨音賴水流沙上也咫尺凌丹崖圓方麗奇

色圭璧一作玉

無纖瑕呼兒爨金鼎餘馥延幽遐滌慮發

真照還源蕩昏邪猶同甘露飯佛事薰毗耶維摩詰經時化菩薩

以滿鉢香飯與維摩詰語舍利佛等諸大聲聞仁者可食如

來甘露味飯大悲所薰無吐此蓬瀛侶無乃貴流霞見第

一詩
注

零陵贈李卿元侍御簡吳武陵

零陵永州郡名吳武陵公前有初秋夜贈之詩
集中又有小丘記云李深源元克已時同游深
源克已即李卿元侍御也時在元和四年九月
此詩云朔風吐雲寒寂歷窮秋時亦是時作

理世固輕士
棄捐湘之湄
陽光競四溟
敲石安所施
鍛羽集枯幹
低昂乍鳴悲
朔風吐雲寒
寂歷窮秋時
君子尚容與
小人守兢危
慘悽日相視
離憂坐自滋
樽酒聊可酌
放歌諒徒為
惜無協律者
窈眇弦吾詩

界圍巖水簾

詩云今我始北旋蓋公自元和元年貶
永至是十年春召還經巖下而作也

界圍匯湘曲青壁環澄流

選琴賦丹崖嶮巖青壁萬尋

懸泉梁成簾

羅注無時休韻磬叩凝碧鏘鏘徹巖幽丹霞冠其顛想
像凌虛游靈境不可狀鬼工諒難求忽如朝玉皇天冕
垂前旒楚臣昔南逐有意仍丹丘

楚詞屈原遠游章仍羽人於丹丘

今

我始北旋新詔釋縲囚采真誠眷戀許國無淹留再來
寄幽夢遺貯催行舟

古東門行

鮑明遠樂府詩嘗有東門行東門謂長安城門也觀公詩意蓋託以諷當時盜殺武元衡事先是王承宗以朝廷折鎮拒命上怒削官爵遣吐突承瓘討之宿師久無功會淄青盧龍數表請赦乃詔浣雪畀以故地及吳元濟反承宗與李師道上書請宥使人白事中書懷慢不恭武元衡叱去承宗怨乃與李師道謀殺元衡故此詩首句引七國事謂承宗之變亦起於削地也其曰赤丸夜語飛電光徼巡司隸眠如羊謂元衡入朝出靖安里第夜漏未盡賊乘暗呼曰滅燭射殺元衡而邏司傳譟莫知主名也其曰當街一叱百吏走馮敬胄中函匕首謂賊始一呼而徒御格鬪不勝皆駭走遂害元衡也其曰魏王卧內藏兵符子西掩袂真無辜蓋盜殺宰相朝

堂不知也其曰安陵誰辯削礪工韓國詎明深
井里絕壤斷骨舫下補萬金寵贈不如土蓋是
時初不知主名而吏卒不敢窮捕後下詔積錢
東西市以募告者而王士則王士平始以賊聞
也時當元和十年六月公是年正月自永州召
回三月十四日復出為柳州此詩當是聞變後
作

漢家三十六將軍東方雷動橫陣雲

吳王濞傳孝景帝前二年七國反書

聞天子乃遣太尉條侯周亞夫將三十六將軍往擊吳楚雞鳴函谷客如霧貌同心

異不可數

秦西有壠關東有函谷關史記孟嘗君去秦變姓名以出關夜半至函谷關法雞鳴而出

客孟嘗君恐追至客有能為雞鳴而雞盡鳴遂發傳出

赤丸夜語飛電光

前漢尹賞傳長

安中姦滑浸多閭里少年羣輩殺吏受賕報仇相與探丸為彈得赤丸者斫武吏得黑者斫文吏白者主治喪城中薄暮塵起剽劫行

者死傷橫道枹鼓不絕

徼巡司隸如眠羊

周官以掌徒隸而巡察故

云司隸校尉漢以京師為司隸校尉部置京兆尹中興以洛陽為司隸校尉部置河南尹蓋司隸乃巡察之職而眠如羊是不知有變矣眠一作很一作眼非是四皓謂太子將兵無異以羊將狼蓋弱不能以敵強而況又

耶當街一叱百吏走馮敬胄中函匕首

賈誼傳陛下之臣雖悍如馮敬

者適啓其口匕首已陷其胸矣注云敬為御史大夫奏淮南厲王誅之又云始欲發言節制諸侯王則為刺客殺所

兇徒側耳潛愜心悍臣破膽皆杜口魏王卧内藏兵

符

史記秦圍趙邯鄲魏公子元忌姊為趙平原君夫人數遺魏王及公子書請救魏王使晉鄙將兵十萬衆

救之秦使使告魏敢救者必移兵先擊之魏王恐使人止晉鄆侯生曰羸聞晉鄆之兵符常在王卧内而如姬最幸力能竊之如姬果盜晉鄆兵符與公子公子與朱亥俱行至鄴矯魏王令代晉鄆軍遂將其軍進擊秦軍秦軍解去子西掩袂真無辜

左傳哀十六年楚太子子木暴虐於其私邑鄭人殺之其子曰

勝在吳子西欲召之葉公曰吾聞勝也詐而亂無乃害乎子必悔之弗從召之使處吳境為白公請伐鄭子西曰楚未節也他日又請許之未起師晉人伐鄭楚救之與之盟勝怒曰鄭人在此讐不遠矣勝自厲劍子期之子平見之曰王孫何自厲也曰將以殺爾父平以告子西子西曰勝如卯余翼而長之楚國第我死令尹司馬非勝而誰勝聞之曰令尹之狂也得死乃非我吳人伐慎白公敗之請以戰備獻許之遂作亂秋七月殺子西子期于朝而劫惠王

羌胡轂下一朝起敵國舟中非所

擬

吳起謂魏武侯曰君若不

安陵誰辯削礪功

當作工史記袁

盜列傳盜病免居家景帝時使人問籌策梁孝王欲求

為嗣袁盎進說其後語塞梁王以此怨盎曾使人刺盜

安陵郭門外梁孝王世家太史公曰刺者置其劍劍著

身視其劍新治問長安中削礪工工曰梁郎某子來治

此劍以此知而發覺

韓國詎明深井里

史記聶政軹深井里人濮陽嚴

之發使者捕逐之

仲子與韓相俠累有隙仲子聞軹人聶政之勇乃使政

刺俠累俠累方坐府上兵衛甚衆聶政直入上階刺殺

俠累因自皮面抉眼自屠出腸韓人暴其尸於市購問

莫能識其姊嫫聞而往哭之曰是軹深井里聶政也以

妾在重自刑以絕蹤妾奈何畏歿身

絕臙斷骨郝下補

之誅終滅賢弟之名遂死于尸旁

下一萬金寵贈不如土

臙音穰秦晉謂肌曰臙

作可

寄韋珩

公元和十年自永召還再出刺柳州六月過嶺
故有災烟咽口鼻之語又云今年噬毒得霍疾
當元和十二年也是年王師討淮蔡故云神兵
廟略頻破虜四溟不日清風濤此詩即其年作
珩正卿之子也集
中有答其書云

初拜柳州出東郊道旁相送皆賢豪迴眸炫晃別羣玉
獨赴異域穿蓬蒿災烟六月咽口鼻胸鳴肩舉不可逃
桂州西南又千里灘水鬪石麻蘭高

灘水出零陵

陰森野葛

交蔽日懸蛇結虺如蒲萄到官數宿賊滿野縛壯殺老

啼且號饑行夜坐設方略籠銅枹鼓手所操

枹音膚擊鼓杖也

竒瘡釘骨狀如箭鬼手脫命爭纖毫今年噬毒得霍疾

支心攪腹戟與刀爾來氣少筋骨露蒼白澀汨盈顛毛

澀側瑟切汨越筆切

君令矻矻又竄逐辭賦已復窮詩騷神兵廟

略頻破虜四溟不日清風濤聖恩儻忽念行葦十年踐
踏久已勞幸因解網入禽獸畢命江海終遊遨願言未
果身益老起望東北心滔滔

奉和楊尚書郴州追和故李中書夏日登北樓十

韻之作依本詩韻次用

楊尚書於陵也據傳元和十二

年以罪貶彬州此詩當在柳作

郡樓有遺唱新和敵南金

南金注在前酬叟秀才早秋詩中

境以道情

得人期幽夢尋層軒隔炎暑迫野恣窺臨鳳去徽音續

芝焚芳意深

見上獻弘農公詩注

游鱗出陷浦唳鸛遶仙岑風起

三湘浪雲生萬里陰宏規齊德宇麗藻競詞林靜契分

憂術閑同遲客心

遲音值待客也

驂騑當遠步鷓鴣莫相侵

鷓音

題鵲古穴切鷓鴣鳥名春三月鳴則草木雕傷張平子思玄賦恃已知而華予今鷓鴣鳴而不芳謂恃已之華

盛異時知我而鷓鴣之鳴使衆
草不芳猶讒邪所蔽不得進也
今日登高處還聞梁父

吟

陸士衡雜擬詩齊僮梁父吟秦娥張女彈注梁父吟樂府曲名也諸葛亮躬耕隴畝好為梁父吟

楊尚書寄柳筆知是小生本樣令更商榷使盡其

功輒獻長句

公謫永州時永興柳接故題云知是小生本樣蓋公在永時有所製也與前詩同時作

截玉銛錐作妙形

銛音纖利也

貯雲含霧到南溟尚書舊用

裁天詔

漢以尚書作詔文

內史新將寫道經

王羲之傳山陰有道士好養鸞義之

固求市之道士云為寫道德經當舉羣相贈耳義之欣然寫畢籠鵝而歸右軍帖中云右將會稽內史琅邪王

義曲藝豈能裨損益微辭祇欲播芳馨桂陽卿月光輝

徧書卿士毫末應傳顧兔靈

楚詞夜光何德死而又育厥利維何而顧兔在腹言

月中有兔居月之腹顧望也

南省轉牒欲具注國圖令盡通風俗故事

詩有海孺狼荒之

句當在柳州作

聖代提封盡海壖狼荒猶得紀山川華夷圖上應初錄

風土記中殊未傳椎髻老人難借問

椎直追反西漢西南夷傳自滇以北

此皆椎髻注謂髻如椎之形也

黃茆深洞敢留連

下有柳州峒氓詩蓋柳州之民多有居崑

峒間者也

南宮有意求遺俗試檢周書王會篇

周武王時遠國歸款周史

集其事為王會篇見今

汲冢周書第五十九篇

與浩初上人同看山寄京華親故

浩初即龍安海禪師弟子也下又有浩初上人欲登仙人山詩蓋在柳時元和十一年作

海畔尖山似劍鋸秋來處處割愁腸若為化得身千億

散上峰頭望故鄉

蘇舜欽子美詩話云韓退之詩水作青羅帶山為碧玉簪柳子厚詩云海

上尖山似劍鋸秋來處處割愁腸陸道士云二公當時不相計會如做成一屬對子美為之對曰繫懣豈無羅

帶水割愁還有劍鋸山又云僕自東武適文登並海行數日道傍諸峰真若劍鋸誦柳子厚詩知海山多爾耶

每風自四山而下振動大木掩
冉衆草紛紅駭綠翁勃香氣

再至界圍巖水簾宿巖下

公元和十年春正月自永召還過巖下嘗有詩
在前此詩所謂發春念長違者也是年三月出
刺柳州五月復經從故
有中夏欣再覩之句

發春念長違中夏欣再覩是時植物秀杳若臨玄圃

東方

朔十洲記崑崙山有三角
一角正西北名玄圃臺

敲陽訝垂冰白日驚雷雨笙

簧潭際起鶴鶴雲間舞古苔凝青枝陰草濕翠羽蔽空

素彩列激浪寒光聚的皪沉珠淵

班孟堅東都賦賤奇
麗而不珍捐金於山

沉珠鏘鳴捐珮浦

楚詞九歌遺
余珮乎澧浦

幽巖畫屏倚新月玉鉤

吐夜涼星滿川忽疑眠洞府

一作恍惚
迷洞府

詔追赴都回寄零陵親故

元和十年北還道中作
下至瀟亭上詩皆同

每憶纖鱗遊尺澤翻愁弱羽上丹青岸旁古堠應無數
次第行看別路遙

過衡山見新花開却寄弟

故國名園久別離今朝楚樹發南枝晴天歸路兩相逐

正是峯前回鴈時

汨羅遇風

南來不作楚臣悲

屈原投汨羅而死公方名回故云不作楚臣悲也

重入修門

自有期

宋玉招魂云魂兮歸來入修門注修門郢城門也

為報春風汨羅道莫

將波浪枉明時

朗州竇常員外寄劉二十八詩見促行驛走筆酬贈

劉二十八高錫也公初與劉同貶今例名至京師詩云投荒垂一紀蓋自永貞元年至元和十

年為十一年也

投荒垂一紀新詔下荆扉疑比莊周夢

莊子昔者莊周夢為蝴蝶栩栩

然蝴蝶也自喻適志與不知周也

情如蘇武歸

蘇武使匈奴為匈奴留者十九年始以彊壯出

及還鬚髮盡白賜環留逸響

見上酬裴韶州詩注

五馬助征馬

非墨客揮犀云世謂太

守為五馬或云詩曰子子干旗在後之都素絲組之良馬五之鄭注謂周禮州長建旗漢太守比州長法御五馬故云或曰古乘駟馬車至漢太守出則增一馬事見漢官儀也又古今風俗通曰王逸少出守永嘉庭列五馬繡鞍金勒出則輕之

故永嘉有五馬坊焉

不羨衡陽鴈春來前後飛

離觴不醉至驛却寄相送諸公

無限居人送獨醒

屈原曰衆人皆醉而我獨醒

可憐寂寞到長亭

庾

山江南賦十里五里長亭短亭
五里一短亭十里一長亭也

荊州不遇高陽侶一夜

春寒滿下廳

北還登漢陽北原題臨川驛

漢陽鄂
州縣也

驅車方向闕迴首一臨川多壘非余恥
禮記四郊多壘北卿大夫之辱

也無謀終自憐亂松知野寺餘雪記山田惆悵樵漁事

今還又落然

善謔驛和劉夢得酹溥于先生

倦游錄云襄州南有驛名善謔蓋唐之善謔驛
乃淳于髡放鵠處也按髡傳髡滑稽多辯數使
諸侯未嘗屈辱齊威王時楚發兵加齊齊王使
淳于髡之趙請救兵趙王與之精兵十萬革車
千乘楚王聞之夜引兵而去詩所用
市本此元和十年北還過襄州作

水上鵠已去庭中鳥又鳴辭因使楚重名為救齊成荒
壠遽千古羽觴難再傾
宋玉招魂瑤漿密酌實羽觴
注觴酒器也挿羽於其上劉伶今日意異代是同聲

詔追赴都二月至灞亭上

灞音霸水名在京城之
左此將入京時作也

十一年前南渡客四千里外北歸人詔書許逐陽和至
驛路開花處處新

李西川薦琴石

不詳其

作年月

遠師騶忌鼓鳴琴

史記田敬仲世家騶忌子以鼓琴見威王

去和南風愜舜

心家語舜作五弦之琴以歌南風文中子曰子騶而從鼓南風釣者曰嘻非今日事也其有虞氏之心乎

此他山千古重殷勤曾是奉徽音

同劉二十八哭呂衡州兼寄江陵李元二侍御

李元二侍御即前李深源元克己也劉夢得集亦有哭呂衡州詩據公作呂衡州誄云溫以元

和六年九月

卒詩是時作

衡岳新摧天柱峯

衡山南岳也天柱乃衡山諸峯之一公意借以喻衡州耳

士林顛

頽泣相逢祇令文字傳青簡

後漢吳祐傳祐父恢欲殺青簡以寫經書注云殺青

者以火炙簡令汗蓋取其易書復不蠹謂之殺青亦謂之汗簡

不使功名上景鐘

周禮鳧氏

為鐘鐘帶謂之篆篆間謂之枚枚謂之景

三畝空流懸磬室

左氏室如懸磬野無青草

九

原猶寄若堂封

檀弓文子曰武也得全要領以從先大夫於九原注晉卿大夫之墓地在九原

又夫子曰吾見封之若堂者矣注封築土為壟堂形四方而高

遙想荊州人物論幾回

中夜惜元龍

魏志陳登字元龍在廣陵有威名年三十卒後許汜與劉表並在荊州牧劉表坐

表與備共論天下人汜曰陳元龍湖海之士備因言曰若元龍文武膽志當求之於古耳造次難得比也

奉酬楊侍郎文因送八叔拾遺戲贈詔追南來諸

賓二首

楊侍郎於陵也元和十年到京後未除官時作

貞一來時送綵牋一行歸鴈慰驚弦翰林寂寞誰為主

鳴鳳應須早上天

六言

一生判却歸休謂著南冠到頭治長雖解縲紲無由得
見東周

商山臨路有孤松往來斫以為明好事者憐之編
竹成援遂其生植感而賦詩

元和十年三月後赴柳州
道中作詩益有自况之意

孤松停翠蓋託根臨廣路不以險自防遂為明所誤幸
逢仁惠意重此藩籬護猶有半心存時將承雨露

衡陽與夢得分路贈別

劉夢得集有重至衡陽傷柳儀曹詩並引云元和乙未歲與故人柳子厚臨湘水為別柳浮舟適柳州余登陸赴連州後五年余從故道出桂嶺至前別處而君歿於南中因賦詩以投弔詩云憶昨與故人湘江岸頭別我馬映林嘶君帆轉山滅馬嘶循故道帆滅如流電千里江籬春故人今不見元和乙未即十年也是時公與劉例召至京師又皆出為刺史至衡陽分路云

十年顚顚到秦京誰料翻為嶺外行伏波故道風烟在

漢武帝紀南越王相呂嘉反遣伏波將軍路博德出桂陽下湟水公如柳劉如連皆過桂嶺而去故所經乃伏波故道歟翁仲遺墟草樹平魏志明帝鑄銅人二號曰翁仲又水經注鄠南千秋亭壇廟之

東枕道有兩石直以慵疎招物議休將文字占時名今翁仲南北相對

朝不用臨河別垂淚千行便濯纓

再上湘江

次前篇

好在湘江水今朝又上來不知從此去更遣幾時回

清水驛叢竹天水趙云余手種一十二莖

別本附次善謔驛詩後元和十年北還道中作襄陽從事即趙公也名字不詳

簷下疎篁十二莖襄陽從事寄幽情祇應更使伶倫見

寫盡雌雄雙鳳鳴

伶倫樂師也黃帝使伶倫取嶰谷之竹斷兩節間而吹之為黃鐘之宮

長沙驛前南樓感舊

自注云昔與德公別於此
元和十年赴柳州道中作

海鶴一為別存亡三十秋
今來數行淚獨上驛南樓

桂州北望秦驛手開竹筵至
釣磯留待徐容州

舊史元和十年以長安令徐俊為容管經略使
徐容州即俊也公是年三月出為柳州而徐之
除在公之後故公先
至桂州留詩以待之

幽逕為誰開美人城北來
王程儻餘暇一上子陵臺
後漢

嚴光字子陵隱於釣後人
名其釣處為嚴陵瀨焉

登柳州城樓寄漳汀封連四州

永貞元年公與韓泰韓晁劉禹錫陳諫凌準程
異韋執誼皆以附王叔文貶號八司馬凌準執
誼皆卒貶所異先用餘四人元和十年與公皆
例召至京師又皆出為刺史公為柳州泰為漳
州晁為汀州禹錫為連州諫為封州
公六月到柳詩是年夏有所寄也

城上高樓接大荒海天愁思正茫茫驚風亂颭芙蓉水

颭職密雨斜侵薜荔牆楚詞貫薜荔之落葉王逸云薜
荔香草也緣木而生薜荔計切

嶺樹重遮千里目江流曲似九迴腸司馬遷報任少卿
書云腸一日而九

迴共來百越文身地越世家文身斷髮
被草萊而邑焉猶自音書滯一

鄉

柳州寄丈人周韶州

與下登峨山詩寄盧衡州詩一云秋水一
云秋日一云秋露皆元和十一年秋也

越絕孤城千萬峰空齋不語坐高春
印文生綠經旬合硯匣留塵盡日封
梅嶺寒烟藏翡翠桂江秋水露鰓鱗

鰓音庸愚容切鱗音庸魚名

丈人本自忘機事為想年來顛顚容

登柳州峨山

一作岷山

荒山秋日午獨步意悠悠如何望鄉處西北是融州

柳州

北接融州也

得盧衡州書因以詩寄

臨蒸且莫歎炎方為報秋來鴈幾行林邑東迴山似戟

牂柯南下水如湯

林邑牂柯皆西南蠻夷地

蕉葭淅瀝含秋霧橘柚

玲瓏透夕陽非是白蘋洲畔客還將遠意問瀟湘

南史柳渾

為吳興太守嘗為江南曲云汀洲采白蘋日落江南春

答劉連州邦字

詩猶紀其經途之意

蓋初到柳州時作

連壁本難雙

連壁注於此卷第一詩中矣

分符刺小邦

分符亦見上注

崩雲

下灘水

灘水零陵

出劈箭上潯江

柳州州治在潯江北

負弩啼寒狄鳴

桴警夜猿

桴音膚擊鼓杖也猿音龍犬多毛也

遙憐郡山好謝守但臨窻

指謝安石也謝安石嘗為吳興太守

嶺南江行

元和十

年秋作

瘴江南去入雲烟望盡黃茆是海邊山腹雨晴添象跡

潭心日暖長蛟涎射工巧伺遊人影

博物志江南有射工蟲長一二寸口

中有弩形氣射人不治則殺人毛詩為鬼為蜮陸璣疏云蜮一名射影南人將入水先以瓦石投水中令水濁

然後入又春秋莊公十八年颶母偏驚旅客船

嶺表志云南海

秋風雲物有暈如虹者謂之颶母必有颶風嶺南錄異記云嶺嶠夏秋雄風曰颶發日午至夜半止仆屋僵樹颶屋瓦若飛蝶累年一發或從此憂來無一事豈容華一歲再三颶音貝又其遇切

髮待流年

柳州峒氓

元和十二年正月作

郡城南下接通津異服殊音不可親青箬裏鹽歸峒客

箬而灼反說文楚人謂竹

綠荷包飯趣虛人

嶺南謂村市為虛蓋

皮曰箬峒音洞山穴也

市之在有人則滿無人則虛而嶺南村市滿時

我毛禦

少虛時多故謂之虛不亦宜乎出青箱紀錄

臙逢山廟

音計纖毛也

雞骨占年拜水神

漢書郊祀志粵祠雞卜自此始李奇

曰持雞骨卜如鼠卜

愁向公庭問重譯欲投章甫作文身

前漢紀越裳氏

重譯獻白雉儒行孔子居魯冠章甫之冠莊子宋人資章甫而適越越人斷髮文身無所用之

訓徐二中丞普寧郡內池館即事見寄

徐中丞即前望秦驛詩云徐容州者也按地里志容州普寧郡防禦經略而徐改為容管經略

當是俊無疑然此題云中丞考之史不載也

鴈鴻念舊行虛館對芳塘落日明朱檻繁花照羽觴
歸滄海近樹入楚山長榮賤俱為累相期在故鄉

訓賈鵬山人郡內新栽松寓興見贈二首

柳州作元和十年冬也

芳朽自為別無心乃玄功天天日放花榮耀將安窮
青松遺澗底擢詩茲庭中

詩時更切別種也

積雪表明秀寒花助

蕊龍幽貞夙有慕

顏延年詩幼壯困孤介未暮謝幽貞謂幽靜貞吉之道也持以延

清風

無能常閉閣，偶以靜得名。
竒姿來遠山，忽似人家生。
勁色不改舊，芳心與誰榮。
喧卑豈所安，任物非我情。
清韻動竽瑟，諧此風中聲。

種柳戲題

柳州刺史種柳，柳江邊談笑為故事。
推移成昔年，垂陰當覆地。
聳幹會參天，好作思人樹。
慙無惠化傳。

柳州二月榕葉落盡偶題

元和十一年二月也

宦情羈思共悽悽春半如秋意轉迷山城遇雨百花盡
榕葉滿庭鶯亂啼

浩初上人見移絕句欲登仙人山因以酬之

仙人山在柳州前有興浩初同看山詩此當次其後

珠樹玲瓏隔翠微

珠樹見下海石榴詩注

病來方外事多違仙山

不屬分符客

分符見上第一首詩注

一任凌空錫杖飛

雨中贈仙人山賈山人

即前賈鵬也元
和十一年冬作

寒江夜雨聲潺潺曉雲遮盡仙人山遙知玄豹在深處
南山有玄豹隱霧雨而十日不下食下笑羈絆泥塗間

別舍弟宗一

公之從兄弟見於集者有宗一宗玄宗直其世
系皆不可詳詩云萬死投荒十二年自永貞元
年乙酉至元和十一年
丙申也詩是年春作

零落殘魂倍黯然雙垂別淚越江邊一身去國六千里
萬死投荒十二年桂嶺瘴來雲似墨洞庭春盡水如天

欲知此後相思夢長在荆門郢樹烟

奉和周二十二丈酬柳州侍郎衡江夜泊得韶州

書并附當州生黃茶一封率然成篇代意之作

柳州侍郎楊於陵也韶州疑即周韶州詩名字亦不詳據於陵貶在元和十一年此詩當十二

年夏秋作也

丘山仰德耀天路下征騑夢喜三刀近

王濬為廣漢太守夜夢三刀懸

於臥室梁上李穀曰三刀為州字

書嫌五載違凝情江月落屬思嶺雲

飛會入司徒府還邀周掾歸

殷賢戲批書後寄劉連州并示孟崙二童

自注云吾家有右軍書每紙背庾翼題云王會稽六紙二月三十日嘗觀因話錄云柳柳州書後生多師效就中尤長於章草為時所寶湖湘以南童穉悉學其書頗有能者以此詩觀之蓋有之矣公與夢得聞問最數殷賢戲題其書後故舉庾翼之事為寄蓋劉家子弟當有學其書者孟崙二童必夢得之子殷賢不詳當亦夢得家子弟耶下有相酬贈七詩皆當繼此篇在元和十一年作

書成欲寄庾安西紙背應勞手自題聞道近來諸子弟

臨池尋已厭家雞

張芝臨池學書池水盡墨南齊王僧虔論書云庾征西翼書少時與右軍

齊名右軍後進庾猶不分在荊州與都下人書云小兒輩乃賤家雞皆學逸少書須吾還叱之首尾皆用庾翼王羲之事劉家子弟必有學其書者矣

銅魚使赴都寄親友

自注云嶺南支郡無綱官考典帳典等悉附都府至京在柳時作也

行盡關山萬里餘到時間井是荒墟附庸唯有銅魚使

禮記王制注附庸小城也附庸者以國事附於大國唐武德初改太守為刺史加號為使持節而實無節但頒銅魚符而已此後無因寄遠書

韓漳州書報徹上人亡因寄二絕

漳州韓翬也微靈徹也字元澄劉夢得嘗為其文集序紀其行迹甚詳元和十一年終於宣州

詩是時作

早歲京華聽越吟

史記莊舄越人也為楚執珪病而尚越吟劉夢得序靈徹會稽人好篇章

從越客維學為詩

聞君江海分逾深他時若寫蘭亭會莫畫高

僧支道林

王羲之嘗與桑門支遁游蘭亭脩禊遁亦與焉故後人寫脩禊圖遁亦在其列道林遁之

也字

頻把羣書出袖中獨吟遺句立秋風桂江日夜流千里

揮淚何時到甬東

甬東地名在越

訓家雞之贈

劉禹錫

日日臨池弄小雛還思論寫付官奴

褚遂良撰王右軍書目正書五卷第

一樂毅論四十四行書賜官奴又行書五十八卷其第
十九有與官奴小女書官奴蓋羲之女也是時柳未有
子故夢得柳家新樣元和脚指柳公權也公權在元和間書有名且盡薑

茅歛手徒

重贈二首

此公谷前劉禹錫所訓也

聞說將雛向墨池劉家還有墨同詞如今試遣俚牆問

已道世人那得知

謝安問王獻之曰君書何如君家尊答曰人那得知

世人悠悠不識真薑芽盡是捧心人

莊子西施病心而顰其里其里之醜

人見而美之歸亦捧心而顰其里里之富人見之堅閉門而不出

若道柳家無子弟往

年何事乞西賓

荅前篇

此夢得荅

公前詩也

小兒弄筆不能嗔浣壁書窓且賞懃

義之為會稽子敬七八歲義之從後

掣其筆不脫歎曰此兒書後當有大名子敬出戲見北
館新白土壁白淨子敬取簞沾泥汁書方丈一字觀者
如堵浣壁聞彼夢熊猶未兆女中誰是衛夫人詩云吉
事本此

維熊維羆男子之祥衛夫人名鑠字茂猗隸書尤善右
軍少嘗師之在法書入妙品按柳子厚墓誌云子厚有
子男二人長曰周六始四歲蓋生於元和十一年詩作
於周六未生時柳未有子故夢得又戲之以衛夫人也

荅後篇

昔日慵工記姓名

項籍少時學書不成季父梁怒之籍曰書足以記姓名而已

遠勞

辛苦寫西京近來漸有臨池興為報元常欲抗行

王右軍云

吾書比之鍾張當抗行或謂過之元常鍾繇字也臨池見上注

疊前

公又答夢得前
所答二詩也

小學新翻墨，沿波羨君瓊樹散枝柯。在家弄土惟嬌女，
空覺庭前鳥跡多。

蒼頡觀鳥跡因而遂滋則謂之字詩謂小女學書其紙散落庭中覺鳥跡

之多也

疊後

事業無成恥藝成

禮記德成而上藝成而下

南宮起草舊連名

公與夢得

嘗同為禮部員外郎

勸君火急添功用，趣取當時二妙聲。

晉衛瓘字伯玉

索靖字幼安俱能書為
尚書郎時號一臺二妙

柳州城西北隅種甘樹

詩云春來新葉遍城隅
當元和十三年春也

手種黃甘二百株春來新葉遍城隅方同楚客憐皇樹

楚詞惜往日章后皇嘉樹橘來服兮王逸云言皇天后
土生美橘樹異於衆木來服習南土便其性也屈原自
喻才德如橘樹不學荊州利木奴襄陽記曰李叔平臨
終勅其子曰龍陽洲

裏有千頭木奴及甘幾歲開花聞噴雪何人摘實見垂
橘成得絹數千匹

珠若教坐待成林日滋味還堪養老夫

聞徹上人亡寄侍郎楊丈

楊侍郎於陵也時在郴州前有韓
鄆州報徹上人亡詩此當次其後

東越高僧還姓湯

宋桑門惠休姓湯氏善於為詩嘗與
謝靈運鮑昭之徒游靈徹亦姓湯故

云幾時瓊佩觸鳴鐺空花一散不知處誰采金英與侍

郎

段九秀才處見亡友呂衡州書迹

呂衡州溫也集有呂衡州誄云元和六年八月
卒段九秀才弘古也呂衡州集亦有贈段九秀
才詩公集又有祭段弘古文及墓誌亦云與呂
溫游然弘古亦卒于元和九年則詩之作當元

和七八年間也
公時在永州

交侶平生意最親
衡陽往事似分身
袖中或見三行字
拭淚相看是故人

柳州寄京中親故

元和十三年秋作
龍城柳州郡名

林邑山聯瘴海秋
牂柯水向郡前流
勞君遠問龍城地
正北三千到錦州

再授連州至衡陽
酬贈別夢得

公前有衡陽與夢得分路贈別詩此
夢得訓之也下贈荅四詩皆同時

去國十年同赴召渡湘千里又分歧重臨事異黃丞相

黃霸為潁川太守後徵守京兆尹又以罪貶秩復歸潁
川太守夢得初貶連州司馬此又出刺連州故曰重臨

三黜名慙柳士師

柳下惠為魯士師三黜見論語

歸目併隨回鴈盡愁

腸正遇斷猿時桂江東過連山下相望長吟有所思

重別夢得

二十年來萬事同今朝岐路忽西東皇恩若許歸田去

晚歲當為鄰舍翁

答

弱冠同懷長者憂
臨岐回想盡悠悠
耦耕若便遺身世
黃髮相看萬事休

三贈

信書成自誤經事漸知非
今日臨岐別何年待汝歸

答

年方伯玉早恨比四愁多

張衡出為河間相鬱鬱不得志為四愁詩

會待休

車騎相隨出尉羅

種木榦花

龍城柳州郡
名在柳作也

上苑年年占物華飄零今日在天涯祇應長作龍城守
剩種庭前木榦花

摘櫻桃贈元居士時在望仙亭南樓與朱道士同
處

海上朱櫻贈所思樓居況是望仙時蓬萊羽客如相訪
不是偷桃一小兒

漢武帝內傳帝好長生七夕西王母
降其宮有項索七桃以四枚與帝自

食三枚云此桃三千年一實時東方朔從殿東箱朱鳥牖中窺母母謂帝曰此窺牖兒嘗三來偷吾此桃者

訓曹侍郎過象縣見寄

象縣柳州縣也曹侍郎不詳其名元和十四年春作

破額山前碧玉流
騷人遙駐木蘭舟
春風無限瀟湘憶
欲採蘋花不自由

柳河東集卷四十二

謹案第四頁後三行不應虞竭澤刊本虞訛漁據
郭雲鵬本改

第四頁後五行韋誕非紈素不下筆刊本誕訛延
又素帛也刊本帛訛紙據郭雲鵬本改

第五頁前二行而諸本作芭未詳案楚辭九歌禮
魂傳芭兮代舞王逸注云芭巫所持香草名此
詩傳芭二字本此而注不之考反疑為巴渝舞
之巴誤矣

第五頁前七行有罪奇衰則相及刊本有上行親
字蓋因周禮上文五家相受相和親句而誤衍
應刪

第五頁前八行每行止同輿接茵刊本脫行字據
晉書夏侯湛傳增

第五頁後四行义手從族乎刊本族訛俗據後漢
書馬援傳改

第十二頁後一行衆坐莫不嘆息刊本坐訛生據

後漢書孔融傳改

第十四頁前六行說文愉也刊本愉訛愉據說文
改

第二十頁前五行楚未節也刊本楚訛鄭據哀公
十六年左傳改

第二十一頁前七行灘水闕石麻蘭高案一統志
桂州理定縣有蘭麻山刊本作麻蘭疑訛

第二十二頁後七行有道士好養鵝刊本好養訛

養好據晉書改


第二十五頁後八行衆人皆醉而我獨醒刊本而訛唯據楚辭改

第三十一頁前七行登柳州峨山刊本峨訛城據郭雲鵬本改

第三十六頁後一行右軍後進刊本脫右軍字進字據南齊書王僧虔傳及張彥遠法書要錄改第三十六頁後五行到時間并是荒墟刊本時訛

是井訛里據全唐詩改

第三十九頁後一行索靖字幼安刊本靖訛靜脫
字字據晉書本傳及法書要錄改增



總校官候補中書臣吳紹灤

校對官編修臣裴謙

謄錄監生臣劉銓瑛

欽定四庫全書薈要

集部

柳河東集卷四十三

詳校官助教臣常循



欽定四庫全書薈要卷一萬三千七百七十八

集部

柳河東集卷四十三

唐 柳宗元 撰

今詩七十五首

法華寺石門精舍三十韻

集有永州法華寺新作西亭記云寺居
永州地最高次後篇在元和四年夏作

拘情病憂鬱曠志寄高爽願言懷名緇東峯旦夕仰始
欣雲雨霽尤悅草木長道同有愛弟披拂恣心賞松谿

霹靂入

霹伊烏切霹吐
了切深遠也

石棧夤緣上蘿蔦綿層覺

詩蔦與女

羅施于松栢蔦音鳥一本
作葛藟謨耕切屋棟也

莓苔侵標榜密林互對聳絕

壁儼雙敞漸峭出蒙龍墟嶮臨滉漾稍疑地脉斷悠若

天梯往結構罩羣崖廻環驅萬象小劫不踰瞬

維摩經
或有衆

生樂久住世而可度者菩薩即演七日為一劫又
云世尊世界名大莊嚴劫曰莊嚴佛壽二十小劫

大千

若在掌

維摩經云菩薩斷取三千大千世界如陶
家輪著右掌中擲過洹河沙世界之外

體空

得化元觀有遺細想喧煩困蟻蠓

蟻音蔑蠓音
蒙小蟲也

跼蹐疲

翹翹

音周
兩

寸進諒何榮尋直非所枉探奇極遙矚窮妙

閱清嚮理會方在今神開庶殊曩茲游苟不嗣浩氣竟
誰養道異誠所希名賓非余仗超攄藉外獎俛默有內
朗鑑爾揖古風終焉乃吾黨潛軀委韁鎖高步謝塵埃

倚朗切
塵也

蓄志徒為勞追蹤將焉倣淹留值頽暮眷戀睇

遐壤映日鴈聯軒翻雲波決漭

決倚朗切
水大貌

殊風紛已萃

鄉路悠且廣羈木畏漂浮離旌倦搖蕩昔人歎違志出

處今已兩何用期所歸浮圖有遺像幽蹊不盈尺虛室

有函丈

禮記席間函丈注函容也講
問宜相對容丈足以指畫也

微言信可傳申旦

稽吾顙

遊朝陽巖遂宿西亭二十韻

據集袁家渴記由朝陽巖東南水行至蕪江可
取者三莫若袁家渴朝陽巖蓋在永州也西亭
即法華西亭據亭記云新作西亭當元和四年
又始得西山宴游記云元和四年九月二十八
日登法華西
亭詩是時作

謫棄殊隱淪

桓譚新論曰天下神人
五一日神仙二曰隱淪

登陟非遠郊所懷

緩伊鬱詎欲肩夷巢

伯夷巢父
皆避世者

高巖瞰清江幽窟潛神

蛟開曠延陽景迴薄攢林梢西亭構其巔反宇臨呀摩

呀虛加切張口貌虜
虛交切宮室高貌

背瞻星辰興下見雲雨交惜非吾

鄉土得以蔭菁茆羈貫去江介

貫與州同穀梁子云羈貫成童不就師父母之

罪也謝靈運述祖德詩

世士尚函嶠

西都賦左據函谷二嶠之阻函谷

江介有感地注介間也

名嶠山名

故墅即澧川數畝均肥磽臺館集荒丘池塘疏沉

坳會有圭組戀遂貽山林嘲薄軀信無庸瑣屑劇斗筭

囚居固其宜厚羞久已包庭除植蓬艾隙牖懸蕭蛸

上音

蕭下音梢東山詩注云蟪蛄長跼也疏云河內人謂之喜母俗云喜子是也

所賴山水客扁

舟枉長梢挹流敵清觴掇野代嘉肴適道有高言取樂

非絃匏逍遙屏幽昧澹泊辭喧呶女文切晨雞不余欺風

雨聞嘒嘒音膠詩雞鳴嘒嘒

再期永日閑提挈移中庖

湘口館瀟湘二水所會

九域志瀟水在零陵湘水在祁陽皆永州縣此館當在永州也次前後篇元和四年秋作

九疑濬傾奔臨源委縈迴會合屬空曠泓澄停風雷高
館軒霞表危樓臨山隈茲晨始澄霽纖雲盡褰開天秋
日正中水碧無塵埃杳杳漁父吟叫叫羈鴻哀境勝豈
不豫慮分固難裁升高欲自舒彌使遠念來歸流駛且

廣

駭音史
水疾也

汎舟絕汭

登蒲州石磯望橫江口潭島深迥斜對香零山

香零山在永州

與前詩同時作

隱憂倦永夜凌霧臨江津猿鳴稍已踈登石娛清淪日
出洲渚靜澄明晶無垠浮輝翻高禽沉景照文鱗雙江
匯西奔詭怪潛坤珍孤山乃北峙森爽棲靈神洄潭或
動容島嶼疑搖振陶埴茲擇土蒲魚相與隣信美非所
安羈心屢逡巡糾結良可解紆鬱亦以伸高歌反故室

自調非所欣

南澗中題

公永州諸記自朝陽巖東南水行至袁家澗自
澗西南行不能百步得石渠石渠既窮為石澗
石澗在南即此詩所題者也公嘗為石
澗記在元和七年春此詩蓋其年秋作

秋氣集南澗獨游亭午時迴風一蕭瑟林影久參差始
至若有得稍深遂忘疲羈禽響幽谷寒藻舞淪漪去國
魂已游懷人淚空垂孤生易為感失路少所宜索寞竟
何事徘徊祇自知誰為後來者當與此心期

近世蘓舜欽子美嘗

題此詩後云柳子厚南遷後詩清勁紆徐大率類此又云柳儀曹南礪詩憂中有樂樂中有憂蓋妙絕古今矣然老杜云王侯與螻蟻同盡隨丘墟儀曹何憂之深也

遊石角過小嶺至長烏村

詩云竄逐官湘浦此在永州也次前篇

志適不自期道存貴偷生久忘上封事

漢光武紀詔百僚並上封事注

云宣帝始令羣臣得奏封事以知下情

復笑昇天行

古樂府有昇天行謂學仙也

竄逐

官湘浦操心劇懸旌始驚陷世議終欲逃天刑歲月殺

憂慄慵踈寡將迎追遊疑所愛且復舒吾情石角恣幽

步長鳥遂遐征磴迴茂樹斷

磴丁鄧切磴道也

景晏寒川明曠

望少行人時聞田鶴鳴風篴冒水遠霜稻侵山平稍與

人事間益知身世輕為農信可樂居寵真虛榮喬木餘

故國願言果丹誠四支反田畝釋志東臯耕

隋末王勣字無功至

唐正觀中為大樂丞挂冠歸田葛中聯牛躬耕東臯每著書自稱東臯子見呂才東臯子集序

與崔策登西山

崔策字子符公集有送崔九序即此人也序云廢居八年崔子幸來覲余蓋在元和七年也詩云秋江即其年秋歟又云吾子幸淹留蓋崔子將別之時與序相先後作耳

鶴鳴楚山靜露白秋江曉連袂度危橋縈迴出林杪西

岑極遠目毫末皆可了重疊九疑高微茫洞庭小迥窮

兩儀際高出萬象表馳景泛顏波遙風遞寒篠謫居安

所習稍厭從紛擾生同胥靡遺

書說築傳巖之野注虞號之界有澗水壞道常

使胥靡刑人築護此道說賢而隱代胥靡築之以供食疏云胥相靡隨也賈誼傳傳說胥靡乃相武丁壽

等彭鏗天

彭祖姓鏗名鏗壽至八百

蹇連困顛踣愚蒙怯幽眇非令

親愛疏誰使心神悄偶茲遁山水得以觀魚鳥吾子幸

淹留緩我愁腸繞

構法華寺西亭

集有永州法華寺新作西亭記在
元和四年觀詩意在其年夏作

竄身楚南極山水窮險艱步登最高寺蕭散任踈頑西
垂下斗絕欲似窺人寰反如在幽谷榛翳不可攀命童
恣披翦葺宇橫斷山割如判清濁飈若昇雲間遠岫攢
衆頂澄江抱清灣夕照臨軒墮棲鳥當我還菡萏溢嘉
色

爾雅荷芙蕖其華菡萏其實
蓮其根藕其中的的中莖

筍簍遺清斑

清一作清
筍簍竹也

異物志曰筍簍生于水邊長數丈圍一尺五六寸一節
相去六七尺或相去一丈廬陵界有之始興以南又多

質音云
管音當

神舒屏羈鎖志適忘憂潺棄逐久枯槁迨今始
開顏賞心難久留離念來相關北望閒親愛南瞻雜夷
蠻置之勿復道且寄須臾閒

夏夜苦熱登西樓

苦熱中夜起登樓獨褰衣山澤凝暑氣星漢湛光輝火
晶燥露滋野靜停風威探湯汲陰井煬竈開重扉憑欄
久徬徨流汗不可揮莫辯亭毒意仰訴璇與璣諒非姑
射子靜勝安能希

列子云姑射山在海河洲中山上有
神人焉吸風飲露不食五穀射音夜

覺衰

詩意尚未刺柳時
也當在永州作

久知老會至不謂便見侵今年宜未衰稍已來相尋齒

疎髮就種

左氏盧蒲癸曰余髮如此種
種余奚能為種上聲髮短也

奔走力不任咄

此可奈何未必傷我心彭聃安在哉周孔亦已沉古稱
壽聖人曾不留至今但願得美酒朋友嘗共斟是時春
向暮桃李生繁陰日照天正綠杳杳歸鴻吟出門呼所
親扶杖登西林高歌足自快商頌有遺音

遊南亭夜還叙志七十韻

詩云岷山既云捕元和元年擒西川劉闢也又云吳虜亦已鑒謂元和二年誅浙西李錡也浙西平在二年十一月而此詩有秋月高明之語其三年秋歟

夙抱丘壑尚率性恣遊遨中為吏役牽十祀空惓勞外
曲徇塵轍私心寄英髦進乏廊廟器退非鄉曲豪天命
斯不易鬼責將安逃屯艱果見凌剥喪宜所遭神期固

浩浩衆口徒嗷嗷投跡山水地放情詠離騷

屈原離騷也賈誼傳

注云離遭也憂動曰騷遭憂而作是辭

再懷曩歲期容與馳輕舠

音刀小船也

虛館背山郭前軒面江臯重疊間浦淑

音叙水浦也

迤邐驅

巖敷

敷音敷山多小石也

積翠浮澹灩始疑負靈鼇叢林留衝颶

石礫迎飛濤曠朗天景霽樵蘇遠相號

樵取薪也蘇取草也漢書樵蘇

後甕師不宿飽左太冲魏都賦樵蘇往而無忌

澄潭湧沉鷗半壁跳懸猿鹿鳴

驗食野

詩呦呦鹿鳴食野之苹

魚樂知觀濠

莊子與惠子游于濠梁之上莊子曰儵魚

出游從容是魚樂也惠子曰子非魚安知魚之樂莊子曰子非我安知我不知魚之樂惠子曰我非子固不知子矣子固非魚也子之不知魚之樂全矣莊子曰請徧其本惠子曰汝安知魚樂者既已知吾知之而問我我知之濠上也莊子此一節在知字一字公摘出使之大有意矣
孤賞誠所悼暫欣良足

褒留連俯櫺檻注我壺中醪朶頤進芟實

易觀我朶頤注朶頤嚼也

芟奇寄切

擢手持蟹螯

畢卓曰得酒滿數百斛船四時甘味置兩頭右手持酒杯左手持蟹

螯拍浮酒船中

炊稻視爨鼎鱠鮮閔操刀野蔬盈頃筐

便足了一生矣

詩采采卷耳不盈頃筐頃筐畚屬易盈之物

頗雜池沼芼

左氏澗谿沼注之毛芼草也

緬

慕鼓枻翁嘯咏舖其糟

楚辭漁父章屈原既放游于江潭漁父曰衆人皆醉何不舖其

糟而歌其醕屈原曰又安能以皎皎之白而蒙世俗之塵埃乎漁父莞爾而笑鼓枻而去枻音曳楫也退

想於陵子三咽資李膮

孟子陳仲子豈不誠廉士哉居於陵三日不食耳無聞目無見

也井上有李膮食實者過半矣南宮往將食之三咽然後耳有聞目有見咽音宴膮音曹

斯道難為

偕沉憂安所韜曲渚怨鴻鵠環洲彫蘭臯暮景迴西岑
北流逝滔滔徘徊遂昏黑遠火明連艘木落寒山淨江
空秋月高斂袂戒還徒善游矜所操趣淺戢長柁乘深
屏輕蒿曠望援深竿哀歌扣鳴槽

音曹船也

中川恣超忽謾

若翔且翺淹泊遂所止野風自颺颺

音騷

澗急驚鱗奔蹊

荒飢獸嗥入門守拘繫悽戚增鬱陶慕士情未忘懷人

手徒搔內顧乃無有德輶甚鴻毛名竊久自欺食浮固

云叨問牛悲釁鐘

事見孟子蓋取其若無罪而就死地之意

說我驚臨牢

莊子

祝宗人玄端以臨牢筴說彘曰汝奚惡死吾將三月犧
汝十日戒三日齋藉白茅加汝肩尻乎彫俎之上則汝
為之乎為彘謀曰不如食以糒
糒而錯之牢筴之中說音稅
永遁刀筆吏曹參傳蕭何曹參皆

起秦刀筆吏顏師古曰刀所以削書
古者用簡牒故吏皆以刀筆自隨
寧期簿書曹中興

遂羣物裂壤分鞬橐岷山既云捕吳虜亦已鑿
鑿意曹反霍去

病傳合短兵鑿蘭臯下顏師
古曰鑿謂苦擊而多殺也
扞禦盛方虎謂方叔召虎也謨明

富伊咎謂伊尹臯陶也披山窮木禾穆天子傳東征至黑水之阿有野麥答莖西膜所謂

木禾粟類也駕海逾蟠桃東海有山名曰度素山有大桃樹屈蟠三千里曰蟠桃重來

越裳雉前漢越裳氏重譯獻白雉再返西旅獒西旅獻獒見書左右抗槐棘

秋官朝士掌建邦外朝之法在九棘孤卿大夫位焉

羣士在其後右九棘公侯伯子男位焉羣吏在其後面

三槐三公位焉州長衆庶在其後注樹棘以為位者取

以赤心而外刺象以赤心三刺也槐之言懷也懷來人

於此使縱橫羅鴈羔春官大宗伯以禽作六摯以等諸

與之謀臣卿執羔大夫執鴈注羔小羊取

其羣而不失其類鴈取其候時而行三辟咸肆宥衆生均覆燾安得奉皇

靈在宥解天弋音叨弓歸誠慰松梓陳力開蓬蒿卜室

有鄠杜鄠音戶京兆屬縣名田占豐滂豐水出鄠南滂水出鄠北公與許孟容書云先

墓在城南又城西有數頃田樹其此耶礧谿近餘基阿城連故壕螟蛉願

親燎茶堇甘自薈呼豪切飢食期農耕寒衣俟蠶繰及

除草也

肝足為溫

寗戚曰短布單衣纔至肝肝音岸脛骨也

滿腹寧復饕

莊子曰偃鼠飲河不

過滿腹饕音

安將薙及管

薙苦怪切管音姦

誰慕梁與膏弋林

刀音財也

鵲鷦漁澤從鰭魚

上音囚下音刀魚也

觀象嘉素履

易素履往无咎

陳

詩謝千旄

詩千旄美好善也

方託麋鹿羣敢同騏驎槽處賤無

溷濁固窮匪淫惱踉蹌辭束縛悅懌換煎熬登年徒負

版

論語式角版者注負版者執邦國之圖籍

興役趨伐磬

周禮磬鼓鼓役事磬音臯大鼓也

目眩絕渾渾耳喧息嘈嘈茲焉畢餘命富貴非吾曹長

沙哀紆纏

賈誼作長沙王太傅有鵬入室作賦以自廣有云福之與禍兮何以糾纏

漢陰咄

桔槔

莊子子貢南游於楚反於晉見一丈人方將為圃畦鑿隧而入井抱甕而出灌搢搢然用力多而見

功寡于貢曰有械於此用力甚寡而見功多其名
為穉為國者忿然而笑曰吾非不知羞而不為也
苟伸

擊壤情機事息秋毫海霧多
蒨鬱越風饒腥臊寧唯迫

魑魅所懼齊君庶

蔗音勳蔗普刀切
鼎蔗悽愴見禮記

知罄懷緒中

晉景
公三

年楚圍鄭鄭告急于晉楚與晉軍大戰鄭附楚反助楚攻
晉虜晉將知罃以歸罃之在楚也鄭賈人有將置諸櫓
中而出既謀之未行而楚人歸之范叔戀綈袍范睢欲
賈人如晉荀縈善視之如出諸己事魏家

范睢欲
事魏家

貧無以自資乃先事魏中大夫須賈須賈為魏使於齊
范雎受齊之金湏賈怒雎以告魏魏笞擊雎雎佯死後
入秦為相號曰張祿而魏不知使須賈於秦范雎聞之
微行敝衣見須賈賈曰范叔一寒至此哉乃取其一綈

袍賜之及見張相乃即范睢也須請罪睢數其罪三曰
公之所以得無死者以緣袍戀戀有故人之意故釋公
伊人不可期慷慨徒忉忉

韋道安

公嘗為韋道安傳集載其題而亡其文今觀此
詩則公所以為之傳者亦必指是事無疑也詩
云慷慨張徐州即張建封又云君侯既即世立
抵抗王命謂正元十六年建封死軍亂立其子
愔為留後也觀詩意道安嘗佐張於徐州及
軍亂而道安自殺故詩有顧義誰顧形之句

道安本儒士頗擅弓劍名二十遊太行暮聞號哭聲疾
驅前致問有叟垂華纓言我故刺史失職還西京偶為

羣盜得毫縷無餘贏貨財足非恠二女皆娉婷蒼黃見
驅逐誰識死與生便當此殞命休復事晨征一聞激高
義皆裂肝膽橫挂弓問所往趨捷超崢嶸見盜寒澗陰
羅列方忿爭一矢斃酋帥餘黨號且驚麾令遞束縛縶
索相柱撐彼姝久褫魄

張子平東京賦朝疲夕倦奪氣褫魄之為者也褫音雉驚也

刃下俟誅刑却立不親受諭以從父行据收自擔肩轉
道趨前程夜發敲石火山林如畫明父子更抱持涕血
紛交零頓首願歸貨納女稱舅甥道安奮衣去義重利

固輕師婚古所病

左氏桓公六年齊侯欲以文姜妻鄭太子忽太子忽辭及其敗我師也齊

請妻之固辭曰無事於齊吾猶不敢今以君命弄齊之急而受室以歸是以師昏也民其謂我何遂辭諸鄭伯

合姓非用兵竭來事儒術十載所能逞慷慨張徐州朱

郎揚前旌投軀獲所願前馬出王城轅門立奇士

項籍傳羽

見諸侯將入轅門張晏曰軍行以車為陳轅相向為門顏師古曰周禮掌舍王行則設車宮轅門也

淮水

秋風生君侯既即世麾下相欵傾

項籍傳戲下騎從者八百餘人顏師古曰

戲大將之旗也音許宜又音許為漢書通以戲為旌麾指麾字

立孤抗王命鐘鼓四野

鳴橫潰非所壅逆節非所嬰舉頭自引刃顧義誰顧形

烈士不忘死所死在忠貞吐嗟徇權子翕習猶趨榮我
歌非悼死所悼時世情

哭連州凌員外司馬

凌員外準也嘗考其卒之年月當
元和三年注詳於誌矣詩是時作

廢逐人所棄遂為鬼神欺才難不其然卒與大患期凌

人古受氏

周官凌人為掌冰
之官因以為氏

吳世夸雄姿

三國時吳
有凌統者

寂

寔富春水

凌居富
春人也

英氣方在斯六學誠一貫精義窮發

揮著書逾十年幽賸靡不推

誌云著後漢春秋二十餘
萬言又著六經解圍人文

集

天庭掞高文萬字若波馳

誌云年二十以書干丞相丞相以間試其文日萬言

擢為崇文館校書郎

記室征西府宏謀耀其奇

誌云準以金吾兵曹為邠寧節度掌

書記輜軒下東越列郡蘇疲羸

輜音游輕車也誌云準遷侍御史為浙東廉使判官

撫循疲人按驗

宛宛凌江羽來棲翰林枝

誌云自浙東判官名為翰

林學士

孝文留弓劍中外方危疑抗聲促遺詔定命由陳

辭徒隸肅曹官征賦參有司

誌云德宗崩邇臣秘議三日乃下遺詔居獨抗危辭

以語同列王伾畫其不可者十六七乃以旦日發喪六師萬姓安其分遂入為尚書郎仍以文章侍從由本官

參度支調發出納奏吏吏止

出守烏江許老遷湟水湄

烏江在和州湟水在連州

誌云準以連累出和州降連州

高堂傾故國葬祭限囚羈仲叔繼幽淪

狂叫唯童兒

誌云準在連居母喪不得歸而二弟繼死

一門既無主焉用徒

生為舉聲但呼天孰知神者誰泣盡目無見腎傷足不

持溘死委炎荒臧獲守靈幃平生負國譴骸骨非敢私

蓋棺未塞責

劉穀云丈夫兒蹤跡不可尋常使混羣小中蓋棺事方定矣

孤旄凝寒

颺念昔始相遇腑腸為君知進身齊選擇失路同瑕疵

本期濟仁義今為衆所嗤滅名竟不試世義安可支恬

死百憂盡苟生萬慮滋顧余九逝魂與子各何之我歌

誠自慟非獨為君悲

旦攜謝山人至愚池

愚溪詩序溪有愚池即此也愚溪之作在元和五年此詩當十八年間秋時作與以下詩皆在永州也

新沐換巾幘

楚詞漁父篇新沐者必彈冠

曉池風霧清自諧塵外意

向與幽人行霞散衆山迥天高數鴈鳴機心付當路聊

適義皇情

陶潛高卧北窗自號義皇上人

獨覺

覺來窻牖空寥落雨聲曉良游怨遲暮末事驚紛擾為
問經世心古人誰盡了

首春逢耕者

南楚春候早餘寒已滋榮土膏釋原野百蟄競所營綴
景未及郊穡人先耦耕園林幽鳥轉渚澤新泉清農事
誠素務羈囚阻平生故池想蕪沒遺畝當榛荆慕隱既
有繫圖功遂無成聊從田父言歎曲陳此情眷然撫耒
耜迴首烟雲橫

溪居

久為簪組累，幸此南夷謫。
閒依農圃鄰，偶似山林客。
曉耕翻露草，夜榜響溪石。

塘蒲浪切
池畔也

來往不逢人，長歌楚

天碧。

夏初雨後尋愚溪

悠悠雨初霽，獨繞清溪曲。
引杖試荒泉，解帶圍新竹。
沉吟亦何事，寂寞固所欲。
幸此息營營，嘯歌盡炎燠。

入黃溪聞猿

黃溪在永州集有記在元和八年十月作下篇
韋使君黃溪祈雨亦在八年此詩豈公從韋君

入溪時

作耶

溪路千里曲哀猿何處鳴孤臣淚已盡虛作斷腸聲

韋使君黃溪祈雨見名從行至祠下口號

黃溪記云溪距州治七十里由東南行六百步
至黃神祠即此也祠之從來記具之矣公在永
時嘗事二韋太守一在元和元年見賀政元表
一在元和七年八年見集之新堂記詩當八年
作

驕陽愆歲事良牧念留畬列騎低殘月鳴笳度碧虛稍

窮樵客路遙駐野人居谷口寒流淨叢祠古木踈焚香

秋霧濕奠玉曉光初

肸蠁巫言報 肸思乙切又許訖切說文蠁布也蠁音響

精神禮物餘惠風仍偃草靈雨會隨車

後漢鄭巨君為淮陰太守政不

煩苛天旱行

俟罪非真吏

賈誼謫長沙王太傅為賦弔屈原其辭曰恭承嘉惠兮

羅長沙公為永州員外司馬故曰非真吏

翻慙奉簡書

詩畏此簡書注簡書戒命也

郊居歲首

屏居負山郭歲暮驚離索野迥樵唱來庭空燒燼落世
紛因事遠心賞隨年薄默默諒何為徒成今與昨

秋曉行南谷經荒村

杪秋霜露重晨起行幽谷黃葉覆溪橋荒村唯古木寒
花踈寂歷幽泉微斷續機心久已忘何事驚麋鹿

雨後曉行獨至愚溪北池

宿雲散洲渚曉日鳴村塢高樹臨清池風驚夜來雨予
心適無事偶此成賓主

中夜起望西園值月上

覺聞繁露墜開戶臨西園寒月上東嶺泠泠踈竹根石

泉遠逾響山鳥時一喧倚楹遂至旦寂寞將何言

零陵春望

零陵永

州郡名

平野春草綠晚鶯啼遠林日晴瀟湘渚雲斷岫嶺岑

古岫

右切人音矩嶺九后切

又音縷山名在衡州

仙駕不可望世途非所任凝情

空景慕萬里蒼梧陰

舜葬蒼梧之野於江南九疑是為零陵

從崔中丞過盧少府郊居

永之刺史當元和九年十年皆為中丞崔
公然公十年正月已召此詩當九年也

寓居湘岸四無鄰世網雖嬰每自珍文選世網詩藥閒

庭延國老

本草甘草名國老謂其於諸藥物中為君也

開樽虛席值賢人

魏志

徐邈傳鮮于輔云醉客謂酒清為聖人酒濁為賢人

泉廻淺石依高柳逕轉垂藤

閒綠筠聞道偏為五禽戲

華陀曰古之仙者為道引之事熊經鸕顧引挽腰體動諸

關節以求難老吾有一術名五禽之戲一曰虎二曰鹿三曰熊四曰猿五曰鳥亦以除疾兼利蹠足以當道引體自不快起作一禽之戲怡而汗出因以闕身體輕便而欲食

出門鷗鳥更相親

夏晝偶作

南州溽暑醉如酒隱机熟眠開北牖日午獨覺無餘聲

山童隔竹敲茶臼

雨晴至江渡

江雨初晴思遠步
日西獨向愚溪渡
渡頭水落村徑成
撩亂浮槎在高樹

江雪

千山鳥飛絕
萬徑人蹤滅
孤舟蓑笠翁
獨釣寒江雪

冉溪

冉溪即愚溪也元和五年公始易其名爲愚
詩云願卜湘西冉溪地此初作愚溪時也

少時陳力希公侯許國不復為身謀風波一跌逝萬里

壯心瓦解空縲囚縲囚終老無餘事願卜湘西冉溪地

却學壽張樊敬侯種漆南園待成器

樊重字君雲嘗欲作器物先種梓漆

積以歲月皆得其用光武建武十八年南祠章陵過湖陽祠重墓追爵謚為壽張敬侯

法華寺西亭夜飲

賦得酒字

集有法華寺西亭夜

飲賦詩序此其詩也

祇樹夕陽亭

祇樹取諸經中祇樹給孤獨園者也

共傾三昧酒霧暗水連

階月明花覆牖莫厭罇前醉相看未白首

戲題石門長老東軒

前有法華寺石門精室詩又法華寺西亭記云
有僧曰覺照宣即此長老耶詩當元和四五年

間作

石門長老身如夢旃檀成林手所種坐來念念非昔人

萬徧蓮花為誰用

誦妙法蓮華經也

如今七十自忘機貪愛都

忘筋力微莫向東軒春野望花開日出雉皆飛

古樂府有雉朝

飛

操吳兢古題解云舊說齊宣王牧犢子所作也年七十無妻出採薪於野見雌雄相隨意動心怨乃仰天

歎曰聖王在上恩及草木鳥獸而我獨不獲因援琴而

歌以自傷其聲中絕長老年亦七十矣故公以是戲之

茆簷下始栽竹

次前篇當元和五六年
夏時方築愚溪溪居也

瘴茆葺為宇溽暑常侵肌適有重膇疾蒸鬱寧所宜東
隣幸導我樹竹邀涼颼欣然愜吾志荷鍤西巖垂楚壤
多怪石墾鑿力已疲江風忽云暮輿曳還相追蕭瑟過
極浦旖旎附幽墀貞根期永固貽爾寒泉滋夜窻遂不
掩羽扇寧復持諸葛亮乘素輿
葛巾持白羽扇清冷集濃露枕簟淒已
知網蟲依密葉文選沈休文詩網蟲垂戶
織夕鳥傍簷飛網一作細曉禽棲迴枝

豈伊紛囂間重以心慮怡嘉爾亭亭質自遠棄幽期不見野蔓草蓊蔚有華姿諒無凌寒色豈與青山辭

種仙靈毗

本草淫羊藿即仙靈毗也
詩云湘西原即在永州

窮陋闕自養癘氣劇囂煩隆冬乏霜霰日夕南風溫杖藜下庭際曳踵不及門門有野田吏慰我飄零魂及言有靈藥近在湘西原服之不盈旬蹇躓皆騰騫

莊子蹇蹇為仁

蹇跂為義蹇躓結切蹇
音薛說文蹇躓旋行貌

笑拊前即吏為我擢其根蔚蔚

遂充庭英翹忽已繁晨起自採曝杵臼通夜喧靈和理

內藏攻疾貴自源擁覆逃積霧伸舒委餘暄奇功苟可

徵寧復資蘭蓀

息昆切
香草也

我聞畸人術

莊子子貢問孔子曰敢問畸人曰畸

人者略於人而詳於天時謂不耦於人
闕於禮教也又云奇異也音居宜反

一氣中夜存能

令深深息呼吸還歸跟踈放固難效且以藥餌論痿者

不忘起窮者寧復言神哉輔吾足幸及兒女奔

種木

守閑事服餌採木東山阿東山幽且阻疲薊煩經過戒

徒斲靈根

斲朱玉切斲也

封植閔天和違爾澗底石徹我庭中

莎土膏滋玄液松露墜繁柯南東自成畝繚繞紛相羅

晨步佳色媚夜眠幽氣多離憂苟可怡孰能知其他爨

竹茹芳葉寧慮瘵與瘥

瘵瘵側介切瘥蒼何切病也

留連樹蕙辭

楚詞屈原

離騷經余既滋蘭之九畹兮又樹蕙之百畝

婉婉採薇歌

伯夷叔齊隱於首陽山采薇而食之

及餓且死作歌曰登彼西山兮采其薇矣以暴易暴兮不知其非矣神農虞夏忽然沒兮我安適歸矣于嗟徂

兮命之哀矣遂餓死於首陽山

悟拙甘自足激清貴同波單豹且理內

高門復如何

莊子魯有單豹者巖居而水飲不與民共利行年七十而有嬰兒之色不幸遇餓虎

餓虎殺而食之有張毅者高門縣簿無不走也行年四十而有內熱之病以死豹養其內而虎食其外毅養其外而病攻其內此二子者皆不艱其後者也單音善

種白藁荷

本草白藁荷微溫主治中蠱及瘡又云中蠱者服其汁並貼其葉即呼蠱主姓名亦主諸溪毒沙蟲輩人家種之亦云辟蛇

皿蟲化為癘夷俗多所神銜猜每腊毒謀富不為仁蔬果自遠至盃酒盈肆陳言甘中必苦何用知其真華潔事外飾尤病中州人錢刀恐賈害

食貨志故貨利於刀流於泉如淳曰名錢

為刀者以其利於民也泉者流行如衆也賈音古

飢至益逡巡竄伏常戰慄懷

故逾悲辛庶民有嘉草

民一作氏

攻檜事久泯炎帝垂靈編

言此殊足珍崎嶇乃有得託以全余身紛敷碧樹陰眄
睽心所親

新植海石榴

弱植不盈尺遠意駐蓬瀛月寒空階曙幽夢綵雲生糞

壤擢珠樹

列子渤海之東有大壑焉其中有玉山珠玕之樹叢生博物志三珠樹生赤水之上

莓

苔挿瓊英芳根閔顏色徂歲為誰榮

戲題階前芍藥

凡卉與時謝妍華麗茲晨
欹紅醉濃露窈窕留餘春
孤賞白日暮暄風動搖頻
夜窻靄芳氣幽卧知相親
願致溱洧贈悠悠南國人

始見白髮題所植海石榴

幾年封植愛芳叢韶艷朱
顏竟不同從此休論上春
事看成古木對衰翁

植靈壽木

乳光漢明帝時為太師賜靈壽杖孟康曰扶老杖也服虔曰靈壽木名師古曰木似竹有枝節長不過八九尺圍三四寸自合杖制不須削治也此與前數詩皆永州作

白華照寒水怡我適野情前趨問長老重復欣嘉名蹇

連易衰朽方剛謝經營敢期齒杖賜

見題注

聊且移孤莖

叢萼中競秀分房外舒英柔條乍反植勁節常對生循翫足忘疲稍覺步武輕安能事剪伐持用資徒行

自衡陽移桂十餘本植零陵所住精舍

興下木芙蓉詩皆同時作蓋龍興寺在永而公初至永時即居此寺後四五年則居愚溪此元

和三年
間也

謫官去南裔清湘遶靈岳晨登蒹葭岸霜景霽紛濁離

披得幽桂芳本欣盈握火耕困烟燼

漢武紀江南之地火耕水耨應劭曰

燒草下水種稻草與稻並生高七八寸因芟去復下水灌草死獨稻長所謂火耕水耨

新採久摧

剝道旁且不顧岑巔况悠邈傾筐擁故壤棲息期鸞鷟

路遠清凉宮一雨悟無學

月中名廣寒清虛之府清凉宮指月而言也謂月中有仙

桂而清凉此桂樹得一雨而霑澤之則亦敷榮矣何用學月中耶

南人始珍重微我誰

先覺芳意不可得丹心徒自渥

湘岸移木芙蓉植龍興精舍

蓮花亦謂之芙蓉楚詞所謂集芙蓉以為裳是也此詩之所謂木芙蓉則今之所謂拒霜花生於岸際者也故云芰荷

諒難雜反此生高原

有美不自蔽安能守孤根
盈盈湘西岸秋至風露繁
麗影別寒水穠芳委前軒
芰荷諒難雜反此生高原

早梅

早梅發高樹迥映楚天碧
朔吹飄夜香繁霜滋曉白
欲為萬里贈

贈字本陸凱詩江南無所有聊贈一枝春者也

杳杳山水隔寒英坐

銷落何用慰遠客

南中榮橘柚

楚詞惜往日章后皇嘉樹橘徠服兮受命不遷
生南國兮王逸云南國謂江南也橘受命於江
南不可移徙種於北地則化而為枳故江南最
多橘柚詩云受命此炎方謂此也永州屬唐江
南
道

橘柚懷貞質受命此炎方密林耀朱綠晚歲有餘芳殊
風限清漢飛雪滯故鄉攀條何所歎北望熊與湘

紅蕉

晚英值窮節綠潤含朱光以茲正陽色窈窕凌清霜遠
物世所重旅人心獨傷迴輝眺林際戚戚無遺芳
一作戚戚

撼撼

巽公院五詠

巽公重巽也居永州龍興寺集有送巽上人序在元和六年間此詩當在前也

淨土堂

結習自無始淪溺窮苦源流形及茲世始悟三空門華
堂開淨域圖像煥且繁清泠焚衆香微妙歌法言稽首

愧導師超遙謝塵昏

曲講堂

寂滅本無斷文字安可離曲堂何為設高士方在斯聖
默寄言宣分別乃無知趣中即空假名相誰與期願言
絕聞得忘意聊思維

禪室

發地結菁茆團團抱虛白山花落幽戶中有忘機客涉
有本非取照空不待析萬籟俱緣生窅然喧中寂

杳音
深音

也
心境本同如鳥飛無遺跡

芙蓉亭

新亭俯朱檻嘉木開芙蓉清香晨風遠潏彩寒露濃
瀟灑出人世低昂多異容嘗聞色空喻多心經云色即是空空即是色造
物誰為工留連秋月夜迢遞來山鐘

苦竹橋

危橋屬幽逕繚繞穿疎林迸籜分苦節輕筠抱虛心俯
瞰涓涓流仰聆簫簫吟差池下烟日嘲啗鳴山禽諒無

要津用棲息有餘陰

梅雨

梅熟而雨曰梅雨
江東呼為黄梅雨

梅實迎時雨蒼茫值晚春
愁深楚猿夜夢斷越雞晨
霧連南極江雲暗北津
素衣今盡化非為帝京塵

零陵早春

問春從此去幾日到秦原
憑寄還鄉夢殷勤入故園

田家三首

以詩意觀之

亦在永州也

蓐食徇所務

左氏成公六年傳云
蓐食申禱蓐音辱

驅牛向東阡雞鳴村

巷白夜色歸暮田札札耒耜聲飛飛來烏鳶竭茲筋力

事持用窮歲年盡輸助徭役聊就空自眠子孫日以長

世世還復然

籬落隔烟火農談四隣夕庭際秋蟲鳴踈麻方寂歷蠶
絲盡輸稅機杼空倚壁里胥夜經過雞黍事筵席各言
官長峻文字多督責東鄉後租期車轂陷泥澤公門少

推恕鞭朴恣狼藉努力慎經營肌膚真可惜迎新在此
歲唯恐踵前跡

古道饒蒺藜縈迴古城曲蓼花被隄岸陂水寒更淥是
時收穫竟落日多樵牧風高榆柳踈霜重梨棗熟行人
迷去住野鳥競棲宿田翁笑相念昏黑慎原陸今年幸
少豐無厭饘與粥

行路難三首

三詩意皆有所諷上篇謂志大如夸父者竟不
免渴死又不若北方之短人亦足以終天年蓋

自謂也中篇謂人才衆多之時則國家不能愛
養逮天下多事則皆狼顧而無可用之才蓋言
同輩諸公一時貶黜之意也下篇謂物適其時
則無有不貴及時異事遷則貴者反賤猶冰雪
寒凜則侯家熾炭無不貴矣春陽發而雙燕來
則死灰棄置無所用之蓋言其前日居朝而今
日貶黜之意也當
是貶永州後作

君不見夸父逐日窺虞淵跳踉北海超崑崙披霄決漢
出沆瀣瞥裂左右遺星辰須臾力盡道渴死狐鼠蜂蟻

爭噬吞

列子夸父不量力欲追日景逐之於隅谷之際
渴欲得飲赴飲河渭河渭不足將走北飲大澤

未至道渴而死棄其杖尸膏肉所浸生鄧林隅谷虞
淵也日所入之處沆下黨切瀦母黨切瞥匹滅切

方曄人長九寸開口抵掌更笑啾啾飲食滴與粒生

死亦足終天年

列子東北極有人名曰曄人長九寸曄音爭

睢盱大志小成

遂坐使兒女相悲憐

虞衡斤斧羅千山工命採斫杙與椽

周禮山虞掌山澤之政令仲冬斬陽

木仲夏斬陰木凡服耜斬季材以時入之凡邦工入山林而論材不禁林衡掌巡林麓之禁令若斬木材則受澐於山虞而掌其政

深林土剪十取一百牛連鞅摧雙

令杙余力切斲也

轅萬圍千尋妨道路東西蹶到山火焚遺余毫末不見

保躡蹠礧何當存

躡音各蹠音澗歷礧音澗

羣材未成質已夭矣

兀嶠豁空岳巒

嶠許交切諸韻無從山旁者集韻有庫字云庫豁宮室高貌

栢梁天

災武庫火

漢武帝太初元年栢梁臺災二月起建章宮注云越巫名勇謂帝曰越國有大災即復大

起宮室以厭勝之故帝作建章宮晉惠帝元康五年武庫火累代異寶一時蕩盡左氏人火曰火天火曰災

匠石狼顧相愁冤君不見南山棟梁益稀少愛才養育

誰復論

飛雪斷道冰成梁侯家熾炭雕玉房蟠龍吐耀虎喙張

熊蹲豹躡爭低昂攢巒叢嶠射朱光

古者屑炭和作獸形蟠龍虎喙熊蹲

豹蹲皆言炭之形也蹲言存切躡直炙切

丹霞翠霧飄奇香美人四向迴明

璫雪山冰谷晞太陽星躔奔走不得止奄忽雙燕棲虹

梁風臺露榭生光飾死灰棄置參與商

莊子心若死灰韓安國坐抵法

獄吏辱之安國曰死灰獨不然乎左氏辰為商星參為

晉星參商相去之遠也楊子曰吾不觀參辰之相比也

王志長離詩曰王事

離我志殊隔過參商

盛時一去貴反賤桃笙葵扇安可

常

左太冲吳都賦桃笙象簟韜于筒中注云桃笙桃枝

簟也吳人謂簟為笙蘓子美詩話亦云常不知桃笙

為何物偶閱方言簟宋魏之間謂之笙乃悟桃笙以桃

竹為簟也梁簡文帝答南安王勰簟書云五離九折出

桃枝之翠筍乃謂桃枝竹簟也桃竹出巴渝間杜子美

有桃竹拄杖歌晉謝安少有盛名時多愛慕鄉人有罷

中宿縣者還詣安安問其歸資答曰有蒲葵扇五

萬安乃取其中者捉之京師士庶競市價增數倍

聞籍田有感

元和五年有詔來歲籍田然是年十一月公與楊誨之書云有北人來將籍田敕云云而此詩

云歲又除蓋間敕在十

一月未矣詩是時作

天田不日降皇輿

張衡東京賦躬三推於天田修帝籍於千畝

留滯長沙歲

又除宣室無由問墮事

賈誼貶長沙王太傅後歲餘文帝思誼徵之至入見帝方受墮

坐宣室上因感鬼神事而問鬼神之本誼具道所以然之故至夜文帝前席墮音禧祭餘肉也

周南何

處託成書

詩周頌載芟春籍田而祈社稷也

跂烏詞

與下籠鷹放鷓鴣詞意皆以自況蓋初謫
永州後有所感而云也跂音奇緩走也

城上日出羣鳥飛鷓鴣爭赴朝陽枝

詩梧桐生矣于彼朝陽

刷毛

伸翼和且樂爾獨落魄今何為

魄音託落魄不檢也又旁各切不得志貌

無

乃慕高競白日三足妒爾令爾疾

春秋元命苞云日中有三足鳥

無乃

飢啼走路旁貪鮮攫肉人所傷翹肖獨足下叢薄口銜

低枝始能躍還顧泥塗備螻蟻仰看棟梁防燕雀

陳涉曰燕

雀安知鷓鴣之志哉公暗用此意矣

左右六翮利如刀踊身失勢不得高

支離無趾猶自免努力低飛逃後患

莊子曰支離疏者上有大役則支離

以有常疾不受功上與病者粟則受三鍾與十束薪夫
支離其形者猶足以養生而況于支離其德者乎又魯
有兀者斂山無趾見仲尼仲尼曰子不謹前既犯患若
是矣雖今來何及矣無趾曰吾唯不知務而輕用吾身
吾是以無足今來也猶有尊
足者存吾是以務全之也

籠鷹詞

淒風淅瀝飛嚴霜

秋風曰淒風

蒼鷹上擊翻曙光雲披霧裂

虹蜺斷霹靂掣電捎平岡

傅玄蜀都賦曰鷹則流星曜景奔電飛光掣尺裂切挽也

砉然勁翮剪荆棘

莊子砉然騞然音呼鵬反又音畫又呼歷反皮骨相離聲

下攫狐

兔騰蒼茫爪毛吻血羣鳥逝獨立四顧時激昂風溽

暑忽然至

月全季夏之月土潤溽暑

羽翼脫落自摧藏草中狸鼠足

為患一夕十顧驚且傷但願清商復為假拔去萬累雲

閒翔

累一作里孟秋之月涼風至則鷹乃祭鳥也

放鷓鴣詞

楚越有鳥甘且腴嘲嘲自名為鷓鴣

鷓鴣出南越其名自呼嘗南飛不北

徇媒得食不復慮機械潛發罹罟

罟音孚網也

羽毛摧

折觸籠籞

音語

烟火煽赫驚庖厨鼎前芍藥調五味

子虛賦芍

藥之和具而後御之芍藥調和也

膳夫攘腕左右視齊王不忍殼鯨牛

事見孟子

簡子亦放邯鄲鳩

孔叢子曰元日有人獻鳩于簡子簡子厚賞之而放其鳩人問

其故曰元日放鳩也邯鄲趙地

二子得意猶念此

二子一作二君又作二臣

況我萬

里為孤囚破籠展翅當遠去同類相呼莫相顧

龜背戲

其製不可詳觀詩意乃亦博碁之類新出于宮掖中者也作之時日無所考焉

長安新技出宮掖喧喧初徧王侯宅玉盤滴瀝黃金錢
皎如文龜麗秋天八方定位開神卦六甲離離齊上下
投變轉動玄機卑星流霞破相參差四分五裂勢未已

出無入有誰能知乍驚散漫無處所須臾羅列已如故

徒言萬事有盈虛終朝一擲知勝負

劉毅家無擔石之儲博蒲一擲百萬

脩門象棋不復貴

宋玉招魂云魂兮歸來入脩門些篴象棋有六博些分曹並進道相迫

些成梟而牟呼五白些脩門

郢城門也一作循門非是

魏宮粧奩世所棄

世說彈碁起於

魏宮粧奩之戲

豈如瑞質耀奇文願持千歲壽吾君廟堂巾笥

非余慕錢刀兒女徒紛紛

錢刀見上白義荷詩注

聞黃鸝

觀詩意蓋其

久在永州也

倦聞子規朝暮聲不意忽有黃鸝鳴一聲夢斷楚江曲

滿眼故園春意生目極千里無山河夢芒際天搖青波

王畿優本少賦役務閑酒熟饒經過此時晴烟最深處

舍南巷北遙相語翻日迴度昆明飛凌風斜看細柳翦

我今誤落千萬山身同僮人不思還僮鋤耕切吳人罵楚人曰僮鄉

禽何事亦來此令我生心憶桑梓詩維桑與梓必恭敬止閉聲迴

翅歸務速西林紫樾行當熟樾是荏切說文桑實也詩食我桑椹懷我好音

渾鴻臚宅聞歌效白紵

白紵歌名吳孫皓時作
渾鴻臚不詳其何人也

翠帷雙卷出傾城

李延年侍漢武帝歌曰北方有佳人
絕世而獨立一顧傾人城再顧傾人

國龍劍破匣雙月明

龍泉太阿皆劍名也龍藻亦劍彩
也又晉雷煥得寶劍入水化為龍

而朱脣掩抑悄無聲金簧玉磬宮中生

笙有十三簧象
鳳之身呂氏春

秋曰堯命夔拊石擊石象
上帝玉磬之音以舞百獸

下沉秋水激太清天高地迴

凝日晶羽觴蕩漾何事傾

宋玉招魂瑤漿
蠶勺實羽觴

楊白花

觀詩意亦謫永後作詩云風吹渡江
水又云搖蕩春光千萬里亦自況也

楊白花風吹渡江水坐令宮樹無顏色搖蕩春光千萬里茫茫曉日下長秋哀歌未斷晨鷄起

漁翁

集中有西山宴游記詩云
西嵒即西山也亦在永作

漁翁夜傍西巖宿曉汲清湘燃楚竹烟銷日出不見人

欸乃一聲山水綠

欸音襖乃音靄一作靄靄非是黃魯直嘗為林夫人欸乃歌云欸乃湖南

歌也冷齋夜話洪駒父曰世俗合欸乃二字為一誤矣又云欸乃三老相呼聲也

迴看天際下

中流巖上無心雲相逐

陶淵明歸去來辭
雲無心以出岫

飲酒

集中有與楊誨之書云吾待子郭南亭上而詩云靄靄南郭門此亦在永州也

今旦少愉樂起坐開清罇舉觴酌先酒

自注云始為酒者也酌音朱先

息見切

遺我驅憂煩須臾心自殊頓覺天地暄連山變幽

晦淶水涵晏溫藹藹南郭門樹木一何繁清陰可自庇

竟夕聞佳言盡醉無復辭偃卧有芳蓀彼哉晉楚富此

道未嘗存

孟子曾子曰晉楚之富不可及也彼以其富我以吾仁彼以其爵我以吾義吾何慊乎哉

讀書

集與許京兆書在元和四年云往時讀書自以
不至底滯今皆爾然無復省錄每讀古人一傳
數紙已後則再三伸卷復觀姓氏旋又廢失即
此詩所謂臨文乍了了徹卷兀若無者也觀詩意
亦永
州作

幽沉謝世事俛默窺唐虞上下觀古今起伏千萬途遇
欣或自笑感戚亦以吁縹帙各舒散縹帙苦
紹切前後互相逾

瘴癘擾靈府日與往昔殊臨文乍了了徹卷兀若無竟

夕誰與言但與竹素俱

選張景陽雜詩游思竹素園寄
辭翰墨場注竹素皆古人所用

書文言游思
古人典籍也

倦極更倒卧熟寐乃一蘇欠伸展肢體

禮記

君子欠伸
撰杖屨

吟咏心自愉得意適其適非願為世儒道盡

即閉口蕭散捐囚拘巧者為我拙智者為我愚書史足
自悅安用勤與劬貴爾六尺軀勿為名所驅

感遇二首

永州
作

西陸動涼氣驚鳥號北林栖息豈殊性榮枯安可任鴻
鵠去不返句昊阻且深

月令孟春之月其帝太昊其神句芒吳一作吳

徒嗟日

沉湎九鼓驚奇音

漢史丹傳天子自臨軒墮銅丸以撻鼓聲中嚴鼓之節

東海久

搖蕩南風已駸駸坐使青天暮小星愁太陰衆情嗜姦
利居貨捐千金危根一以振齊斧來相尋

齊側皆切

攬衣中

夜起感物涕盈襟微霜衆所踐誰念歲寒心

旭日照寒野鸞斯起蒿萊

詩升彼鸞斯歸飛提提鸞音豫雅烏也

啁啾有

餘樂飛舞西陵俚回風旦夕至

爾雅回風曰飄

零葉委陳夢所

棲不足恃鷹隼縱橫來

詠史

與下二詩皆不詳其作之時日當附次讀書後
燕昭王於齊破燕之後即位謂郭隗曰誠得賢

士以共國以雪先王之耻孤之願也隗曰王必
欲致士先從隗始于是昭王改築宮而師事之
又置千金于臺上以延天下士謂之黃金臺于
是樂毅自魏往二十八年樂毅為上將軍與秦
楚三晉合謀以伐齊下齊七十餘城惟莒即墨
未下燕王封樂毅使留徇齊城之未下者昭王
辛惠王立與樂毅有隙使騎劫代將樂毅亡走
趙趙封于觀津號望諸君後齊與騎劫戰果破
劫于即墨下盡復齊城惠王後悔使人讓樂毅
毅報遺燕王書燕復以毅子間為昌國君毅往
來復
通燕

燕有黃金臺遠致望諸君嗷嗷事強怨

嗷音

三歲有奇

勲悠哉闢疆理東海漫浮雲寧知世情異嘉穀坐煢焚

致令委金石誰顧蝥蟮羣

蝥尺尹切蟮而尹切蟲動貌

風波歛潛構

遺恨意紛紜豈不善圖後交私非所聞為忠不內顧晏

子亦垂文

詠三良

左氏文公六年秦伯任好卒以子車氏之三子
奄息仲行鍼虎為徇皆秦之良也國人哀之為
之賦黃鳥詩黃鳥哀三良也國人刺穆公以人
從死而作是詩疏云秦本紀云穆公卒葬于雍
從死者百七十人然則死者多矣主傷善人故
曰哀三良也殺人以徇葬當是後君為之此不
刺康公而刺穆公者是穆公命從已死此臣自
殺從之非後主之過然公末句云從邪陷厥父

吾欲討彼康則
責在康公矣

東帶值明后顧盼流輝光一心在陳力鼎烈夸四方欵
欵効忠信恩義皎如霜生時亮同體死沒寧分張壯軀

閉幽隧猛志填黃腸

霍光傳賜以便房黃腸題湊各一具蕪林曰以柏木黃心致棺外曰

黃腸殉死禮所非况乃用其良霸基弊不振晉楚更張皇

疾病命固亂魏氏言有章從邪陷厥父吾欲討彼康

一作

狂

詠荆軻

燕太子丹見秦且滅六國兵已臨易水恐其禍至謂其太傅鞠武曰燕秦不兩立願太傅圖之鞠武乃薦田光于太子使與之謀田光乃言荆軻可用太子既見荆軻曰誠得劫秦王使悉反諸侯之侵地若曹沫之於齊桓公則善矣不可因而刺殺之唯荆卿留意軻曰今樊將軍秦王購之金千斤邑萬家誠得樊將軍首與燕督亢之地圖獻秦王臣乃得有以報太子軻乃私見樊於期於期遂自刎軻乃盛於期之首亟封之求天下匕首以藥淬試人無不立死又得勇士秦舞陽為副頃之未發太子疑其改悔乃復請之荆軻怒叱太子曰今日往不反者豎子也遂發太子及賓客皆送至易水上既祖遂就車而去至秦持千金之資厚遺秦王寵臣蒙嘉為先秦王大喜乃朝服設九賓見燕使者咸陽宮荆軻奉樊於期頭亟而秦舞陽奉地圖匣以進秦

王發圖窮而匕首見荆軻因左手把其袖而右手持匕首揜之秦王驚自引起軻逐秦王是時侍醫夏無且以其所奉藥囊提荆軻秦王拔劍擊之斷其左股於是左右前斬軻秦王由是大怒益發兵伐燕燕王乃使使斬太子丹頭獻之秦復遣兵攻之後五年秦遂滅燕

燕秦不兩立太子已為虞千金奉短計匕首荆卿趨窮年徇所欲兵勢且見屠微言激幽憤怒目辭燕都朔風動易水揮爵前長驅函首致宿怨獻田開版圖炯然耀電光掌握罔正夫造端何其銳臨事竟趙趙長虹吐白日倉卒反受誅按劍赫馮怒風雷助號呼慈父斷子首

狂走無容軀夷城芟七族臺觀皆焚汙始期憂患弭卒
動災禍樞秦皇本詐力事與桓公殊奈何效曹子實謂
勇且愚曹沫事注於佩韋賦中矣世傳固多謬太史徵無且太史公曰世言
荆軻傷秦王皆非也始公孫季功董生
與夏無且遊具知其事為余道之如是

掩役夫張進骸

詩云及物非吾
事此貶永後作

生死悠悠爾一氣聚散之偶來分喜怒奄忽已復辭為
役孰賤辱為貴非神奇一朝續息定枯朽無妍媸生平

勤卑櫬剝秣不告疲既死給櫬櫬葬之東山基

高祖紀士卒從軍死

者為櫬服虔曰音

衛應劭曰小棺也

奈何值奔湍蕩析臨路垂髡然暴百體

髡虛交切

散亂不復支從者幸告余睠之涓然悲猫虎獲

髡髡貌

迎祭

禮記古之君子使之必報之迎猫為其食田鼠也迎虎為其食田豕也迎而祭之也

犬馬有蓋

惟

禮記仲尼之畜狗死使子貢埋之曰吾聞之弊惟不棄為埋馬也弊蓋不棄為埋狗也

佇立唁爾

魂豈復識此為畚鍤載埋瘞溝瀆護其危我心得所安

不謂爾有知掩骼著春令

月令孟春之月掩骼埋胔各百反注死氣逆生也骨枯

曰茲焉適其時及物非吾輩

一作事

聊且顧爾私

省試觀慶雲圖詩

晏元獻家本有此詩今附於此公貞元五年舉進士九年及第此詩九年作

設色初成象卿雲示國都

慶雲一曰卿雲見西京雜記

九天開秘祉

百辟贊嘉謨抱日依龍袞非烟近御爐高標連汗漫向

望接虛無裂素榮光發舒華瑞色敷恒將配堯德垂慶

代河圖

史記堯就之如日望之如雲

春懷故園

九扈鳴已晚

左氏郊子曰九扈為九農正杜預曰扈有九種也春扈鴈鵠夏扈竊玄秋扈竊藍冬

扈竊黃棘扈竊丹行扈喈喈宵扈嘖嘖桑扈竊脂老扈
晏晏以九扈為九農之號各隨其宜以教人事者也

楚鄉農事春悠悠故池水空待灌園人

於陵子辭卿相而桔槔灌園戴

宏為河間相自免歸而灌蔬以經教授向秀與呂安灌
園山陽收餘利以供酒食之費范丹學通三經常自賃
園灌

柳河東集卷四十三

謹案第一頁後一行石棧寅緣上刊本寅訛寅據
全唐詩改


第五頁後一行景晏寒川明刊本川明訛泉鳴複
下句韻據郭雲鵬本及全唐詩改

第八頁後七行惠子曰刊本脫惠字據莊子秋水
篇增

第十七頁後五行宿雲散洲渚刊本雲訛雨據全
唐詩改

第二十二頁後六行四蟲化為癘刊本四蟲訛血
蠱案通志六書略云造蠱之法以百蟲置四中
相啖存者為蠱今據改





總校官候補中書臣吳紹潔

校對官編修臣裴謙

謄錄監生臣劉銓瑛